



BRIYANDO FUERTE • TRECIENDO CLARIDAD
Dialuna 23 September 2019

Di Pueblo

URATAKA CENTER

TEL.: 585-5212

Richard Arends ta un mentiroso!

**“Den Conferencia di
prensa di MEP dialuna
mainta lo divulga
pruebanan nobo di RDA”**



**Hyundai Accent
a bolter na
Matividiri**



**MEP:
GRANDIOSO HAPPY
HOUR HUNTO CU
SORTEO DI RIFA DI AUTO**

E mes periodista cu a skirbi buki di Mike...

**Periodista Hulandes Rene
de Zwart a cobra miyones
di florin pa laba cabes di
Mike y lage shine!**

Semper el'a lastra Mep...



**Lider Honorario, ex minister president
Nel Oduber a haci bishita na
Edmond Croes y Top 95 Fm**



MEP: GRANDIOSO HAPPY HOUR HUNTO CU SORTEO DI RIFA DI AUTO

Partido MEP ta invita pueblo di Aruba pa un grandioso Happy Hour cu lo tuma luga diasabra awo, 28 di September na CEDE di MEP. Riba e anochi aki, candidatonan di MEP lo ta presente. Bin topa cu nan y comparti bo ideanan. Banda D'Licious ta riba stage pafo di Cede den aire liber pa anima e actividad.

Tambe ta tuma luga e sorteo di un otro tremendo rifa di auto di partido MEP.

Ainda tin ticket di rifa disponibel cerca candidatonan di partido y cerca miembronan di directivanan pa esnan cu no a cumpra ainda. Pa apenas 5 florin bo por cumpra un ticket y bo tin e chens di

gana un auto nobo nobo mientras bo ta coopera cu Partido MEP na e proximo eleccion. Ta solamente si bo cumpra bo rifa, bo linia ta na awa.

Bin goza un biaha mas cu Partido MEP den un dushi Happy Hour diasabra awo, 28 di September 2019 di 6or pa 9or di anochi.



Premier Evelyn Wever-Croes:

Premier Evelyn Wever-Croes satisfecho cu Aruba no a haya un KB

MI COMPROMISO TA CU COMUNIDAD DI ARUBA

Premier Evelyn Wever-Croes: “Maske cu esaki no kiermen cu tur problema ta soluciona, mi ta hopi satisfecho cu nos no a haya un KB, y cu nos a haya mas tempo y espacio. Ami no sa nada di un deadline di 18 di october, mi a tende esey den prensa, pero mi mes no a haya nada oficial di Hulanda riba esey y esey no a wordo palabra tampoco den Rijks Ministerraad. Pues mi no ta tuma algo asina na serio tampoco.

Dia Hulanda cuminsa comunica cu Aruba via

cierto prensa, nos ta hopi leew for di cas.

Awe ta un dia grandi pa Aruba, pasobra en bes di a haya e KB cu nos oponentenan a desea pa Aruba haya, nos a haya tempo y espacio mustando asina cu poco poco pero sigur tin mas confiansa den Aruba.

Pa nos esaki ta un empuhe pa sigui cu nos compromiso pa cumpli cu e protocol y asina saca Aruba for di problemanan serio financiero y pa Aruba haya su



propio organo independiente di supervision.

Danki na tur cu a asina leew. Union ta hasi posibel cu nos ta nos forsa”.

Remetido: OPINION

Pueblo ke splicasion di Gobierno y di Parlamento di Aruba

Si noticia den prensa local, di loke Knops a bisa, ta correcto :

1. Unda den Statuut ta para cu e Consejo di Minister di Reino MESTER supervisa finanzas di pais Aruba?
2. Un protocol entre Gobierno di Aruba y Knops ta un base legal of ta un MANEHO palabra?
3. Awor cu e base legal di CAFT a caduca, kico ta e problema di Knops pa laga CAFT sigui funciona como palabracion di maneho entre

- Aruba y Reino ?
4. Mientras cu e protocol entre Gobierno di Aruba y Gobierno di Reino ta valido y CAFT por haci su trabao, pakico Knops ke busca un base legal di Aruba pa e por mete cu asuntonan interno di Aruba ?
5. Si Knops ta “extremadamente infeliz” y “hopi disgusta”, pakico e no ta entrega su retiro ?

6. Parlamento di Aruba por entrega un mocion pa desapropa metemento di Knops den asuntonan interno di Aruba ?
7. Ta un base legal, cu e no tin, Knops ta busca pa bin cu un “aanwijzing” of un “KB”?

PA PENSA Ariba SIN MIEDO
Number y adres conoci pa redaccion

E mes periodista cu a skirbi buki di Mike...

Periodista Hulandes Rene de Zwart a cobra miyones di florin pa laba cabes di Mike y lage shine!

Semper el'a lastra Mep...

Na aña 2015, Mike Eman a lansa un buki di su mes, cual buki a wordo skirbi pa Rene de Zwart.

E job aki no a bay voluntario, pero a wordo traha pa asina gradici Mike Eman cu a duna De Zwart hopi placa bao su gobernacion.

Kico de Zwart mester a haci? E mester a percura pa Mike tin bon imagen den Reino unda de Zwart mester a skirbi cosnan positivo.

Pe trabao aki De Zwart tabata cobra miles di florin pa luna pa asina e por a laba cabes di Mike lage shine.

Mike no tabata importa nada di pais ni pueblo,

solamente su ego y su imagen.

Un sin fin di miyones a wordo malgasta. Tur amigonan di Mike a haya contract pa cobra miles di florin.

Locutornan latino a cobra miles di florin te cu nan por a traha cas di dos piso.

Hopi Hulandes a probecha di e situacion, unda nan tambe a ranca placa di Mike. Fayecido Wubbo Ockels ta otro ehempel cu tambe a haci shownan di estupides, di bini cu un boto cu a hera sink, unda riba altamar mester a wordo getakel. Te cu awe e boto ta staciona na Bonaire. Locura!



Hulandes Brinkman ta otro cu a cobra miles di florin.

Pues e pregunta grandi ta: dicon Mike a abusa

di fondo di pueblo? Pa logra su cosnan personal?

Awor ta Rene de Zwart ta laba cabes di Mike!

Ta spera cu gobierno por informa pueblo ta cuanto placa de Zwart a cobra y manda cobre bek, pone beslag riba di cuenta pa sikiera asina e por haya gevoel.



JHON WATTS

IMPACTO CROSSOVER
LUNES A SABADO 3 A 6

Hyundai Accent a bolter na Matividiri



Matividiri/Ayo - Diasabra mainta den careda di 9'or polis a bay den un bocht pazuid di e supermercado na Matividiri, pa un auto cu a bolter.

Na yegada polis ta topa cu un Hyundai Accent color shinishi ariba su dak.

E chauffeur a conta polis cu ela pasa den

un susto grandi, momento cu su auto a slip den e tera y dal contra Transhi y despues bolter.

Danki Dios e chauffeur a sali unicamente cu algun rasca na su curpa.

Takelwagen mester a bin pa bolter e auto y asina trafico por a sigui normal ariba e caminda.



Parlamentario Endy Croes: Richard Arends ta un mentiroso!

“Den Conferencia di prensa di MEP dialuna mainta lo divulga pruebanan nobo di RDA”

Parlamentario Endy Croes no por compronde con Parlamentarionan di AVP haciendo malo por keda cana den comunidad cu un cara di santo. Benny Sevinger, Mike Eman, Mike de Meza por ehempel, tur tin hopi manteca riba nan cabes y pronto nos lo bay tende di Ministerio Publico. Locual a pasa por ehempel cu e corrupcion di siglo alrespecto tereno no por keda asina sin mas. Anto hendenan asina cu a destrui Aruba financieramente ta keda cana cu nan cara di coco bay diferente entiero y ta hari y ta baba hende.

Parlamentario Croes a continua splicando cu e asunto di Richard Arends alrespecto su salario di Afl.22.375 florin pa luna mas un golden handshake di 2.6 MIYON no a yega su fin. Despues cu colega Vrolijk a divulga e contracto mas 3 diferente notulen di shareholders unda claramente tabata e prueba

cu Richard Arends a firma un contracto miyonario y a haya verlof pa traha tanto como Minister 2016-2017 como Parlamentario desde november 2017 te cu awor, Richard Arends a sali bisa cu no ta berdad. Den tur e show di desesperacion Richard ta bisa cu nunca el a traha y a avisa e Board mientras esun cu a firma e verlof, Mike de Meza manera un gran estúpido ta sali bisa cu ta e mes a duna e verlof. Ken ta gaña ken awor?

Ora bo midi 2 “Boef” esta Mike de Meza y Richard Arends bo ta inclina pa kere den e boef menos mentiroso y cu tin un cara di santo. Pues si nos kere Richard Arends cu nunca e contract di 2.6 miyon florin cu e mes a firma no tabata valido y cu nunca e mes no a traha como CFO di RDA, dicon Mike de Meza mester a duna verlof? Dicon Richard Arends a manda dos carta pidiendo su retiro di RDA? Un carta a bay pa ex director Koolman y e di



dos carta awor den augustus 2019 a bay pa gobierno cu ta 100% shareholders. Pues un gañamento sin fin entre nan.

Parlamentario Endy Croes a comenta cu a sigui busca mientras tin investigacionnan andando y nos a bin dal den poco documento

hopi interesante cual lo wordo divulga den prensa mañan mainta durante conferencia di prensa di MEP. Richard Arends lo wordo desenmascara y ta na su lugar pa Richard Arends entrega su retiro na Parlamento. Parlamento di Aruba lamentablemente ta yena cu yen di Boef. Benny

Sevinger Boef number 1, Mike de Meza otro Boef y esun mas moderno ta e boef Richard Arends. Parlamentario Endy Croes ta invita pueblo pa sigui e conferencia di prensa dialuna mainta riba Face Book “ Fraccion MEP Parlamento”.

Prome cu Watty Vos Boulevard a habri oficialmente: Caminda ya a wordo usa pa pusta

Watty Vos Boulevard - Diadomingo marduga pa mas o menos 1'or polis a bay ariba e caminda nobo cu ta ainda cera, pa pustamento di auto.

Baricadanan a wordo movi, esaki tawata esun di Rotonde di Sero Patrishi.

Polia cu a wordo notifica tambe a subi e Boulevard ainda cera pa stop e pustamento.

Polis a core cu tanto brom-

mer y auto for di e sitio.

Mas trempa diasabra anochi por a mira na e rotonde di Ex Codemsa autonnan subiendo e caminda nobo direccion Sero Patrishi, tawata trata di varios auto.

Hopi hende ta ancioso pa e caminda habri y nan experiencia e diferenencia.

Ta muestra cu no falta mucho mas.



PUEBLO A HAÑA SU PEN BEK
Pa kualkier informacion
solodipueblo@gmail.com
of
585-9500

Chevrolet Aveo a dal frontal contra Honda CRV, chauffeur tawata burachi



Noord - Diadomingo marduga pa mas o menos 2'or polis a bay altura di Cafe 080, pa un accidente di auto frontal.

Na yegada a topa cu un Chevrolet Aveo y un

Honda CRV, pega contra otro.

Segun nos a compronde e chauffeur di e Aveo bou influencia y coriendo malo a kita bay dal frontal contra e Honda.



No ta conoci si debi cu e chauffeur tawata bou influencia lo a causa cu ela pega soño y kita bay na su man robes y dal contra trafico contrario. Polisnan na e sitio a pidi pa Transportwagen pa hibe warda. Daño material ta considerabel.

Gerencia di SEHOS tin confiansa den e likidacion di e debe pendiente

E administracion di e Hospital Sint Elisabeth (Sehos), ta confia cu e Gobierno lo paga e debe pendiente di e hospital, segun e director financiero, Elvis Thode, a revela.

E

hunta a presenta su informe anual siman pasa, caminda cu a muestra cu tin un debe pendiente di 91 miyon, principalmente cu e proveedornan.

Segun Thode, un MoU entre e Fundacion Sehos y Gobierno a stipula na 2013, cu e debe pendiente lo wordo financia pa e Gobierno.

Esaki a cambia di cooperacion durante e proceso di transicion.



E director a enfatisa e importancia di paga e debe, ya cu e proveedornan lo tabata indulgente durante varios aña y e mester di dje. hospital nobo tambe tin



BENNY NISBET (PPA): CRISIS CONSTITUCIONAL Y POLITICO KETO BAY RIBA MESA POLITICO DI GABINETE WEVER CROES!!

PPA a sigi e conflicto entre Gobierno di Reino y Gobierno di Aruba pero tambe e conflicto serio di desconfianza entre fraccionan den Staten encabeza pa srs Ady Thijsen y Roco Tjon pa hopi tempo di acerca!!

Historia cu a conduci na e diferencia serio aki!!

E diferencia di opinion profundo y serio aki tin di haber cu e hecho cu primeramente a consecuencia di e maneho fatal di gobierno Mike Eman esaki a entrega nos autonomia financiero cu Aruba tabatatin desde 1954 y a worde expande na 1986.

E entrego di e autonomia financiero tabata asina serio cu partidonan di oposicion encabeza pa MEP a organisa un protesta cu a conduci cu parlamento a wordo destrui y propiedad di hende a wordo sendi na candela pafor di Parlamento.

Sinembargo e majoria di AVP a bay di acuerdo pa pasa un Ley Nacional di Aruba(Laft) den cual e autonomia financiero di Aruba a wordo grandemente entrega na gobierno Hulandes .Gobierno Hulandes/Gobierno di Reino a encarga e instancia di CAFT situa na Corsow pa ejecuta un control stricto riba gobierno di Aruba y duna conseho periodicamente. Si Aruba su gobierno NO tene cuenta cu e consehonan aki CAFT lo por pidi Gobierno di Reino pa atende e problematica y Aruba lo por ricibi un 'Aanwijzing pa medio di un KB (Koninklijk Besluit), algo cu desde 1954 cu nos Autonomia Insular NO tabata posibel. E entrego di autonomia aki tabata e.p pa tres anja y lo mester a caduca na December 2018!

Kiko a pasa realmente ??

Gabinete Wever Croes su signatura di MEP a tuma over gobernacion na november 2017 y contrario na nan promesa sagrado den tur reunion durante mas cu un anja guijando pa eleccion a splica cu nan MEP a studia e problematica financiero hopi bon y ta garantisa e pueblo cu lo NO tin mester di MEDIDA a inicia pa hiba un maneho cu tabata grandemente basa riba MEDIDA causando un presion riba e cartera di 'Bouchi Juan y Shi Maria' den tur sentido di palabra.

* Mirando cu December 2018 tabata na bisto Parlamento di Aruba (Thijsen/Tjon c.s.) a indica na gobierno di Aruba cu lo mester bin cambio formal den e Ley di Laft pa asina e cuadra mas cu nos Statuut y Staatsregeling.

* Gabinete Wever Croes sinembargo a jega na un Protocol na november 2018 cu Gobierno Hulandes cu e Ley existente di LAFT lo keda na vigor pa 3 anja mas. Cu otro palabra Gabinete Wever Croes tambe a entrega 'autonomia financiero' di Aruba pa tres anja mescos cu AVP a hasi.

* Na final di December 2018 e Ley di LAFT a termina y te awe NO tin Ley di Laft na vigor mas na Aruba sinembargo TUR tanto gobierno di Aruba

como parlamento a sinta kedo y laga CAFT sigi funciona poniendo demanda pa mas medida riba gobierno di Aruba.

* Ta te algun luna despues na mei 2019 gobierno Wever Croes a entrega un concepto di LAFT cu tabata cuadra grandemente cu e LEY bieuw di LAFT cu algun excepcion chikito e.o. pa legalisa nombramento di sr. Henk Kamp un x politico hulandes cu a wordo nombra contra Ley den CAFT. * Durante e proceso legal pa atende cu e concepto di LAFT varios vez por a mira con Parlamento ta pidi cambio pero gobierno di Aruba gabinete Wever Croes ta rechasa e cambionan aki!!

* Esaki a conduci cu Parlamento di Aruba srs Thijsen/Tjon a presenta un amienda cu a bay contra e posicion cu Gabinete Wever Croes a tuma y a kita podernan for di Gobierno di Reino di tal forma cu e ley di LAFT a keda sin e posibilidad pa Gobierno di Reino ejecuta control conforme e Protocol/ acuerdo entre gobierno di Aruba y Gobierno di Reino. Constitucionalmente y politicamente e amienda tabata un mocion di desconfianza contra 'maneho y posicion' tuma door di gabinete Wever Croes y cualkier gobierno cu tabata respeta su mes y tabata aplica e principionan di 'bon integridad' lo a entrega nan retiro fecha 6 di juni 2019. Sinembargo gabinete Wever Croes sabiendo cu e massa di pueblo no ta comprende e materia a dicidi di hasi manera nan nanishi ta sangra y a nenga di baha.

Gobernando lomba contra Muraya !! No kabe duda cu e amienda di grupo Thijsen/Tjon a hinca gobierno di Aruba den mas problema cu Gobierno Hulandes/Gobierno di Reino cu a demanda cu gobierno di Aruba cumpli cu e acuerdo cu nan tin cu Aruba cual acuerdo ta stipula den dos Protocol y e Ley bieuw di LAFT.

Gobierno Wever Croes desde 6 di juni ultimo a declara na varios ocasion cu nan relacion cu Hulanda lo ta basa riba e Protocol cu nan a firma na november 2018 rechasando na varios ocasion e amienda di nan propio miembronan di Staten e grupo Thijsen/Tjon.

Dia 30 di augustus gobierno di Reino a duna gobierno di Aruba te dia 20 di September 2019 pa A. ejecuta e conseho di CAFT

y B. determina su posicion oficial pa cu e concepto di Ley cu e amienda Thijsen/Tjon c.s. cual amienda su meta tabata pa limita e rol di 'Hoger Toezicht' conforme palabranan entre gobierno di Reino y gobierno di Aruba.

Den e intercambio aki ta notable cu Gabinete Wever Croes tabata rogando Gobierno di Aruba pa 'meer tijd en ruimte' mas tempo y espacio.

Ta aki unda nan a jega na otro pa un periodo cortico.

Gobierno di Aruba oficialmente a manda un carta pa gobierno di Reino den cual officialment nan e priminti di NO manda e concepto di Ley(cu e amienda) pa Gobernador di Aruba firma. Politicamente esaki ta nifica cu gobierno di Aruba a ben ta nan miembronan di Staten bow di bus!! A laga nan propio miembronan di Staten MEPORED cay completamente!!

Pa regla esaki ta nifica cu si grupo Thijsen/Tjon tabata miembronan di Staten cu tabata respeta nan mes y nan dignidad cu nan lo a kita sosten for di Gabinete Wever Croes un vez mas cual a nifica cu Gobierno lo a bay cas diabierna pasa, sinembargo e hamber pa keda na poder ta pone cu declaracionan ta wordo duna cu no ta cuadra cu e realidad/crisis politico cu nan a hinca nan mes aden.

Otro alternativa cu tur 12 sigur Thijsen/Tjon tin ta pa nan mes entrega nan retiro y laga otro miembro di Staten wordo elehi segun Ley pa drenta Staten.

Mientras tanto pa tapa e realidad tristo aki Gabinete Wever Croes ta hasi como sifuera cu nan tin cos di celebra pasobra e KB lo NO ta riba mesa mas!!

Ki tristo cu partidonan cu a ricibi confiansa di pueblo por malinforma nos pueblo di tal indole di kiko realmente ta pasando.

Mientras tanto Staatssecretaris Knops lo a declara cu a duna Gobierno di Aruba te dia 18 oktober proximo pa cumpli.

Mientras tanto x miembro di Parlamento sra Sue Ann Ras a tuma su retiro pa algo chikito compara cu e 'trato' tristo di e fraccionan den Staten versus nan propio Gobierno y visa versa. E trato di ambos parlamento versus Gobierno di Aruba y Gobierno di Aruba versus Parlamento ta un 'Wild West' completo nunca bisto den politica arubano.

Crisis Constitucional y crisis Politico ??

E pregunta cu si lo tin un crisis constitucional ta un pregunta evidente !!

Y e solo hecho cu e 'issuenan' cu a crea e crisis aki ta riba 'agenda' di Consejo di Reino y ta keda prolonga pa lunas kaba ta e prueba palpable di e crisis constitucional entre gobierno di Aruba versus parlamento di Aruba pero na mes momento versus gobierno di Reino!! Tin un crisis constitucional hopi hopi serio.

Esun cu no kier wak e tin motibo politico pa no wak e realidad amargo cu ta riba tayo di tanto Den Haag como Oranjestad pero tambe riba 'tayo di nos pueblo. Esnan cu ta rechasa dia wak e realidad ta sea indoctrina of nan laso politico no ta permiti pa nan acepta e realidad amargo riba mesa. Mientras tanto PPA ta di opinion cu



Aruba ta confrontando un racha di problema cu no ta mirando un maneho pa solucionan nan:

- A. Nos Mega Debe.
- B. Con pa cumpli cu demanda di CAFT cu ta pidi mas medida?
- C. E hecho cu Aruba NO tin un presupuesto 2020 entrega na Parlamento.
- D. Un falta di un maneho economico dinamico !
- E. Un pobreza grandi den pueblo.
- F. 6000 arubiano sin trabow !!
- G. Un centro di San Nicolas pero tambe centro di Oranjestad den crisis serio.
- H. Un crisis den Salud Publico cu un Hospital cu hopi problema a consecuencia di jobida (mal trabow, guia y control!)
- I. Illegal riba nos Isla
- J. Crimenan tumando lugar diariamente !!
- K. Problemanan serio entre Ministro di Ensenansa cu e veld di maestro di Ensenansa y mucho mas.

E lucha pa nos Status Aparte tabata un lucha pa Aruba ta 'baas den su propio cas'. Un lucha pa e Arubiano ta liber den su pais pa por pensa pa su mes, pa por sa pa su mes e diferencia entre bon y malo, berdad y mentira y pa por huzga pa su mes ora un direccion ta malo pa futuro di su pueblo. Si nos pueblo di Aruba no ta consciente cu e crisis constitucional/politico y e crisis financiero/economico ta cobando un buraco mas y mas hundo pa nos mes y pa futuro generacionan anto Aruba ta leeuw di cas y tur esaki pasobra den politica varios partido ta practica 'Indoctrinacion di nan pueblo' un politica cu ta stroba e pueblo di mira cu algo ta bayendo definitivamente robez.

PPA un organizacion politico serio y dedica na sirbi nos comunidad ta suplica nos pueblo, kada arubiano, kada ciudadano pa sinta analisa e realidad amargo di awe y demanda mas claridad y solucion pa e problemanan cu ta afectando nos pueblo.

Aruba, 22 di September 2019
Secretario General di PPA

BEN-

NY NISBET

Aruba cu un solucion responsabel, amical pa medio ambiente y higienico!



Recientemente Minister Otmar Oduber a presenta e incinerator (chikito) nobo cu lo tin e encargo pa atende cu algun trabou principal cu tabata tuma luga den forma sumamente anti higienico y den aire liber. Ademá muestra e area mucho mas agradabel pa esnan cu lo traha cu ne. E mashin y e proceso aki ta conforme normanan internacional di medio ambiente.

E mashin principalmente ta tuma over e tarea cu pa hopi aña DOW a herce di maneho di 'sludge' cual ta locual cu ta sali for di e plantanan di

rioolwaterzuiveringsinstallaties (RWZI). Pues tur desperdicio humano cu ta sali for di riool di casnan. Antes, den tempo cu no tabata pone mucho atencion riba e parti di medio ambiente, esaki tabata wordo transporta na diferente sitio pa e seca den solo. Despues di esaki tabatin e sistema conoci ultimamente cu ne, cual ta e 'open air burner'. Un proceso cu ta encera un container habri den cual ta kima e sludge pa e seca mas cu ta posibel. E meta tabata pa seca e sludge 100% pa despues por tira esaki riba e landfill sin cu e ta ocasiona daño.

Sinembargo a tuma nota cu e sistema no tabata funciona na e nivel cu tabata kier pa e funciona, pa cual testnan a deduci cu solamente entre 5%-10% di e sludge tabata seco na final. Pa despues mezcla e resto (practicamente muha ainda) riba dump, cual tabata ocasiona hopi molester di muska den e area. Tur esaki a reconfirma e hecho cu mester bin cambio den e sistema pa maneha sludge, sigur den un tempo cual hopi atencion ta wordo poni na medio ambiente.

E sistema nobo introduci recientemente lo traha completamente diferente, y lo funciona automatico. Unabes cu ricibi e sludge, a traves

di un faha, ta deposita e sludge den e mashin. Pa despues e wordo seca a traves di dryer y despues kima den e incinerator pa finalmente e sali como 'ash'. A traves di un tubo, lo saca e gas afo y por monitor y controla esaki pa segura cu e no ta dañino pa e area.

Importante pa remarca ta cu e proceso nobo aki tin cantidad di beneficio: e ta higienico, mihor pa medio ambiente y pa salubridad di esnan cu ta traha cu esaki y bisindario. Ademá e lo reduci e gastonan di operacion di DOW pa maneho di sludge cu tabata 1.3 milyon florin pa aña, pa mas o menos 700 mil florin. Fondo cu por wordo poni disponibel

pa otro metanan.

Funcion di e incinerator

- Awor lo atende cu 'sludge' y seca esaki te den forma di 'ash' (antes den aire liber)

- Bestia morto (carcas) lo wordo kima den e incinerator (antes den lama/ kima den aire liber)

- Desperdicio medicinal lo wordo maneha debidamente

Adicionalmente,

- E incinerator por wordo utiliza tambe deshaci di documento confidencial

E sistema lo drenta operacion otro luna, pa di e forma aki atende cu e operacionnan ariba menciona, na forma responsabel!

Lider Honorario, ex minister president Nel Oduber a haci bishita na Edmond Croes y Top 95 Fm

Diabierna mainta director di Solo di Pueblo y Top 95 Fm a haya bishita di exprome minister di Aruba den cuater gabinete, Sr. Nel Oduber.

Pa dos ora largo, nan a conversa riba tur topico, recordando pasado, analisando presente.

Edmond Croes a duna un sosten incondicional cu su medionan na Nel Oduber y semper a brinda e plataforma di e medionan pa asina e mensahe por a alcansa e pueblo.

Manera un abonement,

Sr Nel Oduber tabata un ves pa luna den programa di Nilo Croes (dfm) Interes di Pueblo, pa asina por a trece gobernacion serca di pueblo.

A keda palabra cu lo topa otro na mas ocasion pa asina por sigui intercambia riba e politica di Aruba cual ta e pasion di ambos di nan.

Solo di Pueblo ta gradici Nel pe bishita. Nel ta keda semper Nel, tanto den gobierno, pafo di gobierno y te hasta cu pensioen, ta keda semper cu e mes un cordialidad.



Parlamntario Endy Croes: S.O.S Hospital S.O.S Hospital

“Otro crimen di AVP contra pais Aruba ta e deal di Hospital. Lo exigí un reunion publico e siman aki”

Parlamentario Endy Croes ta hopi molestia cu locual a pasa siman pasa durante un poco yobida cu Aruba a haya. Hospital desde inicio ta un proyecto cu ta hole corrupcion. Ken su proyecto? Atrobe di AVP. Pakico nan mester a desgracia Aruba di e forma aki? Desde 2013 oposicion e tempo aya a bay fuertemente contra e deal aki. SOGA na un manera hopi intransparente, fuera di tur etica y sin ningun clase di integridad mester bay responsabilisa su mes riba e desaster aki. Parlamentario Endy Croes por corda di un carta di Bouygues Batiment International (BBI) dirigi na SOGA hopi fuerte acusando SOGA di nan manera di proceder den e bidding pa Hospital. BBI cu a traha masha hopi Hospital rond mundo, tabata tin e mihor prijs y riba dje a duna un prijs cu un Guaranteed Maximum Price di 214 Mion florin

sin ningun meerwerk.

Un trabao mal haci

Toch SOGA a scoge pa e prijs mucho mas caro, esta di Arrellano (amigo di Bermelo) di alrededor Afl. 250 mion florin unda cada meerwerk lo wordo cobra separa y awe Aruba ta stobando cu e deal corrupto aki caminda e Hospital no ta cla ainda y lo costa pueblo casi 900 mion florin dia caba di pag'e despues di 29 aña. Tur esaki sin un garantia di un prijs maximo y awe historia di e estafamento di pais Aruba ta skirbi. Constantemente problema cu diesel spill, boiler, cathlab, lift cu a cay etc etc y pa completa e obra un trabou mal haci unda awa a core manera riu den e hospital nobo cu poco awacero. Anto 'Ainda Falta' manera hinca den e slogan di AVP.

Proyectonan nobo

Den e proyecto kisas



conscientemente, a lubida OR esta Operating Rooms (camber di operacion), ICU/MCU esta Intensive Care Unit y Medium Care Unit, Microbiology Lab, MER esta Main Equipment Room pa nombra algun. Tur esakinan ta bira proyectonan nobo unda Hospital a manda pidi un extra 100 mion. Costo di tardansa mester paga 15 mion florin. Pueblo mester bay paga 30 mion

florin pa lease di e Hospital aki pa 29 aña largo cual ta laba laba 900 mion florin.

Reunion urgente

Parlamentario Endy Croes ta bisa cu e cos aki ta dimas y lo pidi Presidente di Parlamento Ady Thijsen pa un reunion publico e siman aki mes cu caracter di urgencia. Lo yama Staff di Hospital, Board di Hospital, SOGA y AIB pa asina pueblo por haya sa e

berdad y un investigacion lo bay determina kendenan ta hinca deep deep den e dealnan corrupto aki y nan lo mester carga nan responsabilidad. Pueblo no por keda sali chambon cada bes y Mike Eman y amigonan ta keda bira mionario. Nos lo pospone y para tur otro reunion pero esaki tin prioridad e siman entrante, Croes ta termina bisando.

KI DIA ARUBA TA STOP DI TA Ariba Rudia?

Despues cu Aruba a haya su Status Aparte nos a bira un pais na unda control a bai for di man, specialmente ariba e tereno financiero. Aruba no tabata tin placa pa para ariba su mes, mientras cu Gobiernonan a cuminsa bende bonds, fia placa y hinka nos pais den mas debenan. Tabata difcil pa a cumpli cu e debenan financiero y aña tras di aña cu tur Gobierno esaki a sigui de-teora, te ora cu Hulanda a pone nos ariba rudia.

Kiko a conduci cu nos a yega asina lew? Yena nos aparato gubernamental cu mas hende, haci gastonan inecesario, cumplace famia y amigo, huur edificionan na prijsnan halto pa complace famianan, coordinadornan ganando un salario barbaro y cu ta para ariba e director y jefenan den Gobierno, pero ariba tur cos y esun mas tristo corrupcion y mas corrupcion. No ta ami ta bisa tur Gobierno ta keha esun cu baha y hiba casonan na Ministerio Publico pa ser investiga. Den algun caso e realidadnan a sali padilanti, pero den hopi nada ainda. Hopi cu a yama otro pa corrupto, despues ta uni pa forma un Gobierno. Nos norma, respet y balor a bai perdi completamente. Jefe y directornan a ser cori manera cacho y manda cas, despues cu nan a sacrifica nan bida pa sigui studionan den exterior pa asina nan bin pa sirbi nan pais. Aki so Gobiernonan

ta pagando un cantidad di placa. Nan por wel di manda nan cas, pero nan mester sigui paga nan. Ariba dje Gobierno ta nombra un otro, ganando e mes un salario.

Cu e Gobierno aki so tin 26 director o jefe sinta na cas, den e Gobiernonan anterior mes un cos. Antes pa esnan cu no sa un Jefe o director ta ser nombra y ta keda te ora cu e bai cu pension, awendia ta empleadonan publico, un grupito liga cu partido den Gobernacion o sindicatonan ta dicidi si nan ta keda o bai. Ken tin cu paga pa tur esakinan, pueblo y mas pueblo.

Gobobernantenan, parlamentarionan den pasado a percura cu nan por bai cas y goza di un pension, cu 45 y 50 aña, tin ariba fl. 70.000,00 pa luna y ainda ta existi pa bin den comisariadonan o como consehero. Esaki bo por yama sirbido digno di pueblo? Ni sikiera awor nan por yuda cu trabownan boluntario, como graditud na pueblo, pero principalmente na Señor.

Politiconan den campaña ta cana cu un cantidad di hende nan tras y tur despues cu e partido bin den Gobierno ta haya un posicion, mas hende pa paga. Politiconan a dañe e moral di pueblo, convirtiendo nos pais den un pais materialista. Yuda mi y mi ta yuda bo. Hopi di e conseheronan ni ta apto pa ocupa e posicion ey. Tur

esnan cu bai ariba lista y si nan partido bai den Gobierno ta haya un trabow sigur. Tristo ta cu hopi cu a ser nombra den Gobierno politicamente a bandona un trabow cu nan tin den sector priva pa bai traha den Gobierno.

Wel di a kita 300 cu tin contract, pero a nombra e mes un cantidad o mas aserca.

Parlamento semper ta keda un stempelparlament y no ta funciona, pero ta sigui loque di ariba ta ser bisa, esaki cu tur Gobierno. Un berguensa cu personanan sumamente inteligente ta laga nan mes ser usa.

Mi dushi pueblo, nos no por sigui biba ariba rudia mas, nos no ta mendigo, nos tin pais, un paraíso cu Señor a regala nos.

Mi humilde opinion, Gabinete di Gobernador, Representante di Hulanda na Aruba(VNO), Hulanda mes, mester existi pa bin un "zakenkabinet" cu hendenan bon capacita y cu corahe, pa tuma tur e pasonan cu Gobierno di Hulanda ta existi pa nos tuma, esta corta gasto di Gobierno, manda empleadonan publico nombra politicamente cas, segun Hulanda 300, trece ordo y disciplina bek, anto pa despues yama un eleccion, pero cu control di Hulanda. Moral mester bolbe bek den e aparato Gubernamental, awendia cu un pago bo documento



ta sali mas liher.

Na 2004 mi a scirbi un buki "Politica un Vocation", na unda mi acentua cu un Minister por traha cu dos bon consehero, especialmente speciala ariba ley y dos bon secretaria profesional. Conseheronan ta ariba e Jefe di servicionan y e directornan di e departamentonan. Un cos ta sigur cu nos pueblo no por mas, nos no por mas cu mas medida, medida mester cuminsa den Gobernacion.

Hendenan capaz y cu amor pa nos patria ta ser invita, pero pone man na boso corazon, canta boso nos himno y bisa awor si ta basta! Si boso realmente ta stima e pais aki, pone boso disponibel na servicio di nos pueblo. No sinta un banda y critica, pero caba cu bagamunderia y drecha e moral di nos pueblo cu ta na suela. Aruba mester di boso.

Moral, respet, balor mester bin bek y nos no por

sigui biba ariba rudia. Ta un ofensa escandaloso pa nos grandinan, kendenan a muri bai laga pa nos cu un paraíso, un pais cu futuro, un pais prospero. Aruba e perla den lama Caribe, awor a bira e mendigo den Caribe.

Mi rumannan Arubianonan balente y luchado, lesa e siguiete decir(gezegde): "Look at the orators in our republics; as long as they are poor, both state and people can only praise their uprightness; but once they are fattened on the public funds, they conceive a hatred for justice, plan intrigues against the people and attack the democracy."

— Aristophanes, Plutus
Boso humilde sirbido, cu semper a sirbi, yuda boluntariamente, sin wak kiko mi ta haya al cambio, pero cu un corazon entrega na mi pais, orguyoso di ta Arubiano, cu ta stima mi pueblo y ta reza tur dia pa mi dushi paraíso y pa boso tur. Atan Lee sr.

For sale
Isuzu Truck 2006,
automatic
Running condition
Afl. 22.500
Phone; 7390101



Parlamentario Endy Croes: Mike Eman a traiciona su 7000 votadornan. Sufriendo di un patatu a tira un POESIA nacional sin ningun autoridad “No ta normal”

Parlamentario Endy Croes a amplia den conferencia di prensa extraordinario cu Mike Eman tanto diadomingo como diahuebs siman pasa tabata den contacto cu comunidad atravez di prensa. Analisando e locura di Mike Eman, esaki ta keda uno inexplicable. Mike Eman dia 22 di september 2017 despues di eleccion unda AVP a bay atras cu mas di 10 mil voto a declara cu e lo retira como lider di AVP. Pueblo a keda masha contento como cu nan a kere cu Mike Eman lo tabata papia berdad pa promer biaha den su carera politico. Tambe Mike a splica cu AVP lo bay oposicion pasobra AVP sigur no lo traha cu POR. Mike Eman a defraudar su 7000 y pico votadornan y a scoge conscientemente cu e no lo drenta Parlamento pa defende su votadornan. Mescos Visser y Schwengle kendenan tambe a nenga nan puesto como Parlamentario cual a habri caminda pa Jennifer Reyes, Michael Lampe y Marlon Sneek drenta di carambola.

Destabilidad mental

Mike Eman ta sinta warda por ehempel ki ora SEPPA ta lanta e maestronan di school y ey e kier purba show off. Of Mike ta

sinta warda META CORP lanta su empleadonan pa manifesta y ey Mike Eman kier tene na rabo di cualkier cos pa purba trece intrankilidad den un pais cu e mes a destrui. Colmo de los colmos Mike a tira un POESIA cual el a nombra como discurso nacional sin ningun clase di autoridad. Momento cu Mike Eman a ripara cu e no tabata tin acogida pasobra awor ya pueblo tin'e door en door como un manipulador cu un destabilidad mental, e kier a bolbe sali diahuebs siman pasa riba ley di LAFT. Ata Mike Eman purbando di inculca den pueblo un “crisis constitucional”. Mike Eman mes a firma e protocol di 2 mei 2015 cual a desemboca den ley di LAFT dia 27 di augustus 2015 unda pueblo a lanta pa defende autonomia cu Mike a entrega na e Hulandesnan y historia di esaki ta conoci. Awe Mike Eman tin e pudor di papia riba LAFT? Mike Eman ta e entreguista di mas grandi cu Aruba conoce banda di ta esun culpabel pa e desaster financiero.

Unda e vertrouwens regel di Mike a keda?

Un Patatu a dal Mike Eman diahuebs ultimo y Mike a cuminsa papia riba literatura y vertrouwens regel. Aki Mike Eman kier



splica ki ora un gobierno mester bay cas. Locual a straña mi masha hopi segun Parlamentario Endy Croes cu Mike Eman a lubida masha liher con el a sostene por ehempel un Paul Croes. Paul kende tabata cera den KIA pa abusonnan y negoshi miyonario cu permiso a keda cobra salario di minister. Mike Eman a percura pa regla esaki. Esakinan ta abusonnan inperdonabel. Pueblo hamas por scoge pa corruptonan manera Mike

Eman y Benny Sevinger bini bek na mando di e pais aki. Mike a pusha Marlon Sneek pa haci cambio den ley pa acomoda Paul. Unda e vertrouwens regel di Mike a keda pa cu esaki y pa cu integridad? Mike Eman a destrui Aruba tanto socialmente y financieramente. Parlamentario Croes ta indica cu ki ora un of mas politico di AVP trece algo cu no ta cuadra nan por anticipa cu e lo haya un reaccion pa pone cada un na nan lugar. Un Benny

Sevinger cu a grita den Parlamento ‘I don’t give a damn’! Mike Eman cu a grita den parlamento cu e ta orguyoso di e debe y e debe t’ey pa henter pueblo bay pag’e den futuro. Pueblo, bo ta identifica bo mes cu un partido asina? Bo por identifica bo mes cu hendenan sin escrupulo di e magnitud aki? Parlamentario Croes ta termina bisando cu nunca pero nunca mas pueblo por confia pushi cu pisca, pues nunca mas confia Aruba den man di AVP.



International Housekeeping Week 2019 tawata yen di evento y celebracion na Hilton Aruba Caribbean Resort & Casino

Palm Beach -- International Housekeeping Week 2019, tawata repleto di alegria y consentimento pa e trahadornan balente di e team di Housekeeping di Hilton Aruba Caribbean Resort & Casino. E siman di evento, organisa pa e departamento di Human Resources, tawata super interactivo y prepara den colaboracion cu e otro departamentonan.

E siman a inicia cu un photoshoot sorpresa di tur e coleganan cu un paisahe bellissimo di Mira Solo como fondo, cada imagen a keda poni den lijshi y presenta despues di un Santo Sacrificio di Misa, cu a inclui un dushi breakfast den e Morris Lapidus Grand Ballroom.

E siguiente dia, coleganan a conveni riba den e Miramar South Lawn, pa algun ehercicio di team building ameno durante atardi. E "spel zonder grenzen" bon pensa a duna e team oportunidad di ehercita nan curpa,

hari y gana premio den un variedad di wega manera stoelendans, balloon pop y mas.

Diaranson tawata dia pa Bingo. Coleganan a reuni den Laguna restaurant, pa un workshop di baile electrificante, sigui pa un dushi wega di Bingo, y claramente, algun premio no por a keda afor.

Diahuebs, e comite Blue Energy hunto cu varios colega di diferente departamento a bisti nan glove di limpieza y a sorprende coleganan di Housekeeping den e kambanan y den laundry, pa yuda nan cu nan trabou diario. E gesto aki a keda sigui cu un sorpresa di Donuts cu un nota especial adhunto na cada un.

Diabierna e celebracion a conclui den bon forma cu un bus trip pa e team di Housekeeping. Coleganan por a relaha y laga los mientras cu nan a celebra cu snacks y soft durante un recorrido rond di nos isla.

International Housekeeping Week



na Hilton Aruba Caribbean Resort & Casino tin como meta pa reconose y demostra e aprecio imenso

pa tur e contribucionan y trabou duro cu e hotel su "back-of-the-house heroes" ta hasi diariamente.

Den a potret por wak, e "Housekeeping Heroes" como centro di atencion pa e siman.

For sale
Isuzu Truck 2006,
automatic
Running condition
Afl. 22.500
Phone; 7390101



Despues di 18 dia perdi riba lama, seis piscado Venezolano rescata 60 miya panort di Boneiro



Zr. Ms. Groningen a rescata seis piscado Venezolano, cu tabata tin 18 dia perdi riba lama, e boto di e piscadonan tabata drief mas o menos 60 miya panort di Boneiro, na momento cu e barco di Marina Real Zr. Ms. Groningen a inicia cu un operacion di rescate, cual a resulta exitoso, tur 6 piscado a keda rescata y nan boto a wordo hiba Boneiro.

Kralendijk, Boneiro: Riba e anochi di 19 pa 20 di september e avion Dash-8 di Warda Costa a detecta un boto di piscado 'Eudismar' y a mira cu e tripulante tabata zwaai y pidi ayudo, esaki tabata na un distancia di 60 miya panort di Boneiro. E avion di Warda Costa mesora a comunica cu e Tankero Liberty Bay, cu tabata mas cerca di e boto pa asisti e piscadonan aki.

E Centro di Rescate y Coordinacion di Warda Costa a avisa Zr. Ms. Groningen, cual e ta e barco di Marina Real cu ta patruyando den e area di Caribe. E barco Zr. Ms. Groningen, mesora a sali bay direccion di unda e boto di piscadonan tabata drief, pa por dunanan

prome auxilio. E Tankero Liberty Bay a wordo pidi pa keda den e area di e boto di piscado te ora cu Zr. Ms. Groningen yega pa asisti e piscadonan. Na yegada di Zr. Ms. Groningen, nan a bin compronde cu e piscadonan abordo di e boto 'Eudismar' tin 18 dia ta drief riba lama, despues cu nan a motor di boto a dañá, na momento cu nan tabata piscando den cercania di Trinidad & Tobago. Na e momentonan ey e piscadonan ya caba tabata tin algun dia caba sin cuminda y awa, nan estado di salud a cuminsa bay hopi atras y tur cu hopi urgencia tabata tin mester atencion medico. Na momento cu nan a wordo rescata, e seis piscadonan ya a perde tur speransa caba cu nan lo wordo rescata y sobreviví esaki.

E barco Zr. Ms. Groningen mesora a duna tur seis piscado atencion medico, tambe nan a haya awa y cuminda. E servicio tecnico riba e barco Zr. Ms. Groningen, a pone un motor riba e boto di e piscadonan y asina bou guia di e Zr. Ms. Groningen, e boto y e 6 piscadonan a wordo hiba

Boneiro, E piscadonan a wordo entrega den man di Warda Costa, Koninklijke Marechaussee y tuma e encargo pa e piscadonan haya tratamiento medico na hospital na Boneiro.

Zr. Ms. Groningen desde 20 di april 2019, ta activo den e area di Caribe. E Barco ta bou comando di Kapitein-Luitenant ter Zeer, Nicole Kuipers, e barco ta wordo usa pa e trabounan di Kust wacht, operacionnan ta combati droga y unda ta necesario asistencia humanitario, E Accion di rescate aki



ta e prome accion exitoso despues cu recientemente a cambia e tripulante 6 di september ultimo. humanitario, E Accion

di rescate aki ta e prome accion exitoso despues cu recientemente a cambia e tripulante 6 di september ultimo.

28 SEPT

FREE BINGO

Top 95 95.1 FM
Mas Cautiva cu Solo

GLITZ casino

WIN THE PROGRESSIVE BINGO WITHIN 50 CALLS THIS WEEK 1.500 AWG

51 CALLS WINS AWG. 350,00

52 CALLS WINS AWG. 250,00

53 CALLS WINS AWG. 175,00

TRANSMISION STARTS AT 10 AM FREE BINGO AT 11 AM

COLLECT YOUR PRIZE AT GLITZ CASINO

1 MINUTE TO CALL TO CLAIM FREE BINGO

PROGRESSIVE INCREASES WEEKLY

Cuater motibo fun pa bira miembro: Switch pa Botica di Servicio y Gana!

– Luna di october tin cuater motibo hopi fun pa bira miembro di Botica di Servicio! Ademas cu miembronan nobo y existente ta ricibi 8x mas tanto Fun Miles, tambe tin chance di participa pa gana un weekend-stay na Hilton, un brunch y un couples massage pa 2 persona, un Ipad y 20.000 Fun Miles! Tur persona cu bira miembro por scoge un di e 4 regalonan; un gift certificate, make-up set, mini diffuser of un meter di midi sucu. Bishita un di e 4 localidadnan di Botica di Servicio y yena e formulario di cambio di AZV, prome cu dia 25 di october.

Ricibi 8x mas tanto Fun Miles

Botica di Servicio ta un escogencia excelente pa tur hende cu ta aprecia conocimiento, bon servicio y comodidad di 4 localidad: Eagle, Maria, Noord y Seroe Preto. Cu bo carchi di Fun Miles y como miembro di Botica di Servicio e ta bira super atractivo; lo bo spaar 8x mas tanto Fun Miles cu normal. Pa bira miembro di Botica di Servicio ta masha facil, download e formulario di inscripcion riba boticadiservicio.com, y entrege na un di e 4 localidadnan.

Fun Miles ta cla pa

celebra su 15 año

Registra pa un carchi di Fun Miles na Botica di Servicio y cuminsa spaar mesora! E año aki Fun Miles ta celebra su 15 aniversario na Aruba. Ta 'treat' e isla tur tipo di evento, campaña y promocion. Si bo no kier perde e 'fun' sigui nos riba social media, bishita funmiles.net of download e App di Fun Miles gratis.

Mas informacion tocante Fun Miles?

Tuma contacto cu Customer Service na 588 9947 of bishita funmiles.net of facebook.com/funmiles.



CONCIERTO DOMINICAL “Donny Laclé” diadomingo dia 29 di september 2019 ≈ cu musica di henter mundo ≈

Diadomingo awor, dia 29 di september 2019, Fundacion pa Talento Musical “Donny Laclé” ta presenta su concierto di tur ultimo diadomingo di luna.

E concierto aki ta tuma luga den e sala grandi di Biblioteca Nacional Aruba den George Madurostraat. E ta cuminsa 11.00 or di mainta en punto y ta dura te 01.00 or di merdia.

Diadomingo awor e concierto ta habri cu e cantante Abelardo Romero. Abelardo tin un repertorio masha grandi mes di tur sorto di ritmo Latino Americano. Tur hende den sala lo reconoce e canticanan y lo canta hunto cu ne. Su audiencia lo keda encanta cu su bos tremendo.

Nos siguiente artistanan ta Alexander & Irina di Tango Barefoot cu lo presenta un bunita tango. E duo aki ta specialisa den e tango Argentino clasico y ta balia riba musica di 1920 pa 1960, e era di oro di tango. Alex y Irina a priminti di duna un presentacion di kita sombre.

Aruba tin hopi talento musical hoben y den Concierto Dominical nan ta haya un podio pa demostra esey. E biaha Concierto Dominical ta haya bishita di algun pianista hoben, alumno di Johnny Croes di Scol di Musica Rufo Wever. E pianistanan aki ta Gian Giel di 10 año cu lo toca un composicion di Mozart, Carienne de Cuba di 17 año cu lo laga nos gosa di e piesa “E Diablo Suelto”, Luis Kelly di 17 año cu lo presenta un calypso di Lord Boxoe y Ayiana

Paskel di 17 año cu lo interpreta e famoso “Abo So” di Padu.

Ta clausura e mainta cu un concierto di Gospel cu tres bos fenomenal. E cantantenan ta Osdely Wester, Solaica Clarinda y Tabitha Smith-Heemstadt, tur tres cu hopi presentacion di Gospel y Jazz den nan carera musical. E banda cu lo compaña e cantantenan aki ta consisti di Stephen Diaz (baho), Alejandro Gonzalez (piano), Ivan Williams (drums), Denzel Tromp (conga), Justin Flores (percusion menor) y Carlos Bislip (vipes). Ta interesante pa sa, cu tur e hobennan di e banda aki a yega di ricibi un beca di Fundacion Pa Talento Musical Donny Laclé.

E concierto aki tambe ta priminti di bira hopi varia y anima, pues, reserva bo diadomingo mainta.

Entrada ta gratis, pero manera semper ta pidi un contribucion boluntario pa den nos ultimo concierto di año por otorga beca na algun di nos hobennan talentoso.

Sea asina bon di bini trempa, pa haya un bon luga pa sinta y pa no perde nada di e concierto aki. E concierto ta cuminsa 11.00 or en punto. Tur hende ta bonbini.

Concierto Dominical September

1. Abelardo Romero – 5650102 abelar-

domusic@gmail.com

2. Alexander & Irina Tango Barefoot – a.s.berkley@gmail.com 5677051

3. Johnny Croes : algun estudiante Scol di Musica Rufo Wever

Docente di piano: Johnny Croes – lantando Leerorkest

-. Gian Giel – 10 año – Mozart

-. Carienne de Cuba – 17 año – E Diablo Suelto

-. Luis Kelly – 17 año – un calypso di Lord Boxoe

-. Ayiana Paskel – 17 año – Abo So di Padu

-. Kisas un estudiante mas

4. Grupo di Gospel di Carlos Bislip Cantante:

-. Osdely Wester

-. Solaica Clarinda

-. Tabitha Smith Heemstadt

Musico:

-. Ivan Williams – Drums

-. Stephen Diaz – Baho

-. Alejandro Gonzales - Piano

**PUEBLO A HAÑA SU
PEN BEK**

Pa kualkier informacion
solodipueblo@gmail.com
of
585-9500

Minister Dangui Oduber: Fact-Team ta operacional y cla pa sirbi nos pueblo!

Diabierna mainta Minister di Salubridad Publico sr. Dangui Oduber a duna un conferencia di prensa na e edificio di Social Psychiatrische Dienst (ex edificio hulp bestuurskantoor) na Santa Cruz cu oficialmente a habri su porta. E minister a splica riba e importancia y e tarea cu e Fact-Team lo tin pa Aruba y despues a haci desvelo oficial di e edificio cual ta e edificio di unda e Fact-Team lo bay opera. E Fact-Team lo cay bou encargo di Social Psychiatrische Dienst (SPD) cual ta un departamento cu ta resorta bou di DVG.

Linea Central

A haci un introduccion di un linea central di contacto pa pueblo of famia por yama pa raporta casonan di personanan cu ta sufri di salud mental manera psiquiatria y/of droga adiccion. Trahandando na e forma aki tambe e cliente ambulante lo ta den bista di profesionalnan pa asina por actúa liher den cualkier caso di crisis y/of emergencia. E departamento aki lo opera 24 ora pa dia y 7 dia pa siman y e number di contacto pa e casonan di crisis y/of emergencia ta TEL: 5856990 y e TIPLIJN: 5224343.

Trabou di e Fact-Team

Fact-Team ta un ekipo cu ta bay sali riba caya y brinda e cuido y servicio na tur e personanan cu ta sufri di problema mental

y/of adiccion. Por ehempel ora cu SPD haya yamada, e Fact-Team aki lo sali bay na e direction y haci un opname y mira e situacion. E enfoque di e team aki lo ta pa yega mas serka di e adiccion ambulante pa asina duna nan e guia y ayudo den nan contexto. Si ta un situacion di tal gravedad e persona lo mester wordo interna na Respaldo. Si ta trata di un adicto e tin cu sigi un tratamiento pa adiccion. Si e persona ta sufri di ambos e Fact-Team lo scohe e problema mas serio na e momento eyan pa atende cune. Esaki ta loke e trabou di e Fact-Team lo ta segun Minister Dangui Oduber.

Minister Dangui Oduber a splica cu tur esaki ta forma parti di e plan di maneho di integracion di psiquiatria y adiccion riba e tereno di Salud Mental y ta parti tambe di e Crisis Plan Social. Di e manera aki e Gobierno un biaha mas ta demostra cu e tin e interes di e ser humano central. E mandatario a garadici Mental Health Caribbean pa nan aporte den e proyecto y tambe tur e trahadornan di e Fact Team cu ya tin lunas ta preparando nan mes pa eherce nan trabou. Finalmente Minister a gracici colega Minister di Asuntonan Social Sr. Glenbert Croes pa kere, duna sosten y financia e proyecto asina e mandatario a trece dilanti.



Kico Bisa Ora Un Hende Tira Un Chiste of Mal Chansa Fo'i Sla?



Kico bisa ora un hende haci un chiste cruel of fo'i sla tocante e trastorno neurocognitivo di tipo Alzheimer? No tur chiste tocante Alzheimer ta gracioso of bon bini. Bo por ta sigur cu comentarionan tocante un of otro forma di trastorno neurocognitivo (leve of mayor), malesa, of di cualkier otro condicion cu ta haci dolor ta chistenan cu mester pasa pa pasado.

Aki ta sigui algun sugerencia cu por yuda combati e stigma asocial cu e trastorno neurocognitivo di tipo Alzheimer. Laga nos elabora un tiki riba kico NO bisa un persona cu Alzheimer of otro condicion neurocognitivo. Un mal escogencia di palabra por ta tanto doloroso como frustrante. Siguijente algun palabra y pregunta pa evita. Pero kico 'stigma' kier men? Aki un definicion: 'stigma' ta un actitud denigrante haci pa un persona na un otro persona. Esaki por ensera insulto contra rasa, religion, apariencia fisico, habilidad, discapacidad, etc. Stigma ta un forma di discriminacion. Hopi hende afecta pa un condicion neurocognitivo ta vocifera cu nan a experiencia diferente grado di stigmatizacion na cierto momento despues di un diagnos-

tico.

Aki ta sigui algun ehempel den seno familiar of cu conoci:

- Mi no kier wordo contaminada cu Alzheimer.

- Bo no ta muestra cu bo tin Alzheimer!, of No por ta cu abo tin Alzheimer, esaki mester ta un error di e dokter, etc.

- Miembronan di famia por distancia nan mes despues cu nan a haya e noticia di un diagnostico.

- Amigonan no ta comunica ni bishita mas despues di un diagnostico relaciona cu Alzheimer.

Esakinan ta algun kehonan vocifera pa hende afecta cu un condicion relata na Alzheimer:

Comentarionan realiza pa publico, riba caya, den tienda, den transporte publico.

Un tipo di stigma cu a para bira mas comun ta: "chistenan" desagradabel y comentarionan haci den rednan social. Esakinan normalmente ta referi na, por ehempel, un colega na trabou (cu probablemente ta den un fase tempran di un of otro condicion (neuro)cognitivo y cu a lubida su yabi di auto, of a lubida un number, etc.)

Tweet recién di un "chiste": Esaki ta uno di hopi comentario y chistenan doloroso cu por observa riba e red

social y ta un forma di stigma cu no ta wordo cuestiona y ta wordo tolera.

Comentarionan inapropia, ofensivo manera esaki, ta solamente aumenta e stigma cu ta relaciona cu 'Probabel Alzheimer' y un diagnostico.

Humor como un mecanismo di escape of inseguridad

Mientras cu nos mes sa di tira un chiste fo'i sla of cu por ta doloroso pa un otro, nos por compronde tambe cu na otro banda e famia, amigo, cuidador y hasta e persona afecta, por usa chiste y humor como un forma di lidia cu con nan mes ta sinti e momento ey. Sa pasa hopi cu cuidador nan ta yama y conta di momentonan alegre y hasta divertido di biba cu un diagnostico. Ta importante encurasha nan pa keda comparti momentonan asina tambe.

Cada experiencia di un condicion neurocognitivo relata na Alzheimer ta diferente – nos ta compronde y acepta esaki tambe.

E tipo di chiste/broma cu nos kier cuestiona ta esunnan cu ta haci dolor y comentarionan tocante un condicion (leve of mayor) di tipo Alzheimer, cu ta basa riba malinformacion di esnan afecta of e cuidador nan. Esakinan ta el-

eva e stigma asocial cu e condicionnan y por tin un impacto negativo riba esnan afecta cu ainda por lesa, mira of scucha esaki.

Algun tips pa yuda kibra e stigma di un condicion di trastorno neurocognitivo, leve of mayor:

Si abo ta experiencia comentarionan ignorante of chistenan desagradabel, por bien ta cu bo ta sinti e deseo di coregi of educa e hende cu ta haci esakinan.

Aki ta sigui algun consejo con pa yuda nos kibra e stigma asocial cu chistenan doloroso/desagradabel/fo'i sla riba e condicion di trastorno neurocognitivo:


1. Mira e persona, NO e condicion of su malesa. Corda e persona cu haci bofon of conta un chiste di un condicion neurocognitivo NO ta defini e persona su personalidad of su bida.

2. E No ta divertido pa tur hende.

Puntr'e con e persona cu e condicion aki lo sinti ora e wak of scucha e comentario/chiste? Loke un persona ta haya chistoso, hopi lihe por bira ofensivo serca e otro!

3. Chiste cruel ta contribui na stigma.

Splika e hende cu comentarionan y chiste ignorante ta sirbi solamente pa aumenta e stigma rondo di e trastorno neurocognitivo di tipo Alzheimer



y condicionan relata. Door di keda conta e chistenan desagradabel aki ta haci cada biha mas dificil pa kibra e stigma pa e hendenan afecta cu e condicionan aki awo y tambe den futuro.

4. No saca informacion incorrecto.

Hopi chiste desagradabel por haci hopi dolor y ta basa riba estereotiponan, malinformacion y mitonan. Laga e hende sa cu e por haya informacion confiable y di fuentenan fidedigno tocante e condicionan (leve y mayor) aki y tambe di e condicionan cu ta reversibel.

Tambe ta posibel pa comparti bo experiencia personal riba nos Facebook: Fundacion Alzheimer Aruba (F.A.A.) y/o Bisa No na Abuso di Anciano.

5. Sea semper habri pa siña mas.

Asisti na nos lecturanan y lesa tocante e temanan aki ta un bon manera pa siña mas y cambia comportamento.

**PUEBLO A HAÑA SU
PEN BEK**

Pa kualkier informacion
solodipueblo@gmail.com
of
☎ 585-9500

Stichting Deugdelijk Bestuur Aruba (SDBA):

LEY NOBO DI RECOGE Y PROCESA DESPERDICIO CONTRA PRINCIPIONAN DI BON GOBERNACION

Den prome siman di september 2019 e proyecto di ley pa cambia ley di Serlimar pa loke ta concerni recogemento y procesamiento di desperdicio a sali pa prome biaha den publicidad. E concepto aki ta contene varios intencion cu ta diametralmente contra intencion di e gobierno di coalicion di tuma bon gobernacion, transparencia, integridad y interes general como su guia principal. Kico asina ta e criterionan di bon gobernacion cu ta viola actualmente?

Uso eficiente y efectivo di recursonan humano, financiero y material

E intencion di e gobierno di coalicion pa trece tur actividad relaciona cu desperdicio bao di e empresa estatal 'sui generis' Serlimar, cu ta cay directamente bao di ministro encarga cu infraestructura, ta contene tur elemento pa un fracaso, bao di cual tin principalmente esun di contene gasto. Manera por deduci di e prome parafo di e Introduccion di e 'Memorie van Toelichting' 'e empresa' desde su institucion na 2005 (14 aña caba anto!) ta lidia cu deficit financiero. Aparentemente un bon administracion financiero ta 'one bridge too far' pa 'e empresa' aki. E anterior introduccion algun tempo pasa di un tarifa general pa recoge desperdicio a resulta caba den un problema sin solucion pa 'e empresa'. Entre 2015 y 2017 so caba 'e empresa' a resulta incapaz di cobra Afl. 41 miyon (!) na cobransa pendiente. Un cantidad di cliente cu si a cumpli cu e cobransa, a bira victima di esaki. Raad van Advies (RvA) ta constata tambe anto bastante desafio den e setup proponi...

Un desafio adicional ta e extra responsabilidadnan cu e proyecto di ley tin intencion di otorga na 'e empresa'. Esey ta posible solamente a traves di tuma mas personal na trabao. Esaki lo conduci na gasto adicional di personal, cu na 2015 tabata Afl. 12,3 miyon, pero na 2018 ya a subi te na Afl. 14 miyon. Cu esaki gobierno ta hay'e den problema cu e acuerdonan cu CAft pa reduci gastonan di personal. Ademá lo ta un pregunta si 'e empresa'

lo por cumpli cu e rekisitonan di mantenimiento. Esey lo pone e entidad den un posicion excepcional den gobernacion. Tur e puntonan aki hunto ta trece bastante riesgo cu nan. E costonan cu ya ta calcula bastante halto por resulta di ta hopi mas halto ainda, pa via di e deficiencianan menciona den un fase mas laat, cu tur consecuencia di esaki.

Confiabilidad

Comunidad mester por confia cu gobernacion ta firme den su maneho. Asina e actual gobierno di coalicion a anuncia den su publicacion 'Economic Policy, A strong and resilient economy 2019-2022' cu lo adopta e principionan di economia circular. Esey ta encera entre otro cu mas tanto posible lo separa tur componente di 'desperdicio' y pone esey disponible pa re-uso. Esaki ta yuda combati agotacion rapido di materia prima, ta alivia medio ambiente y ta disminui e 'carbon footprint'. E uso di un 'incinerator' cu ta kima tur desperdicio sin mas ta pone tur e principionan aki un banda y como tal ta bay linea recta contra e maneho gubernamental stipula.

Tambe inversionista mester por confia cu gobierno(nan) ta cumpli cu nan compromiso y acuerdonan. Esaki ta di particular importancia den caso di inversion grandi. Empresanan grandi hopi biaha ta tarda varios decada pa recupera nan inversion. Na 2008 MetaCorp a haya di gobierno e derecho di erfpacht pa un tereno grandi 'pa procesamiento di desperdicio'. A base di esaki e empresa subsidiario EcoTech/EcoGas en berdad durante varios aña a haci inversionnan considerable, prome pa separacion di desperdicio y seguidamente a expande cu un procesamiento di desperdicio tecnologicamente avansa (pyrolyse) cu e posibilidad (cu te awor no a resulta) di produccion di gas pa suministra na e planta di awa y energia di Aruba. E proyecto di ley ta stipula den articulo 2, inciso 2 sin embargo cu Serlimar ta e unico entidad encarga cu maneho di desperdicio na Aruba. Cu esey gobierno no solamente ta conde-

na e empresa na un destruccion inmenso di capital, pero tambe ta kita di comunidad Arubano un experticio acumula importante.

Aki tambe ta bin dilanti e pregunta huridico si gobierno, di un momento pa otro, por reclama e derecho exclusivo riba un actividad economico cu pa decada caba di manera relativamente exitoso ta ser haci pa sector priva. Segun RvA esaki por tin un efecto negativo fuerte riba actividad empresarial y economia di Aruba y esaki lo por tin un impacto negativo riba clima di inversion.

Transparencia (no intenciona)

E proyecto di ley ta trata di duna un imagen di e costonan di recoleccion y maneho di desperdicio y e manera con tin pensa pa financia esaki. Cu esey ta bira transparente cu ainda tin varios bashi den e propuesta di ley; cu e cobransanan pa recoge desperdicio no ta logra ni yega cerca na cubri e costonan di recoge desperdicio y cu por lo tanto lo ta necesario pa tin otro tipo di cobransa. Como tal lo tin un caso di 'kruissubsidie'. Como cu segun e Memorie van Toelichting (Introduccion) "otro empresanan lo ta liber pa recoge desperdicio", gobierno ta crea cu esaki un 'unlevel playing field'. E asina yama kruissubsidie aki, di cual otro empresanan no por dispone, ta haci cu Serlimar por ofrece tarifa mas abao. Aki anto ta trata di competencia desleal cometi pa gobierno.

Mes tanto transparente ta e argumento di e ministro concerni na ocasion di e firmamento di e MOU entre e empresa priva Ecotech/Gas y e empresa productor di cement Colombiano Argo. E 'envirobales' cu actualmente ta dera den suelo Arubano, por ser usa como combustible pa e empresa di cement aki. Cu esey Aruba tin un producto di exportacion cu ta reduci te na un grado importante e acumulacion di desperdicio riba e isla. E ministro responsable a resisti esaki fuertemente cu e argumento cu gobierno ta doño di e desperdi-

cio y como tal lo no permiti 'cu e desperdicio aki contribui na contaminacion na un otro pais'. Un intencion por cierto aplaudible, si esaki no tabata algo ridiculo dentro di e contexto Arubano-Colombiano. E residuo di desperdicio den e envirobales ta representa un cantidad cu ta igual na esun di un bario den un ciudad di tamaño mediano na Colombia. Banda di esey ta usa esaki directamente como combustible den produccion di cement, na lugar di kima azeta, cu ta hopi mas dañino. Hasta esaki por conduci na un situacion unda e procesamiento di desperdicio por bira mas barata y por pasa e beneficio aki pa e cliente. Esaki sigur lo ser aprecia den un situacion unda ciudadano ta haya nan mes continuamente confronta cu aumento di gasto, entre otro pa subsidia e costonan di desperdicio cu ta keda aumenta.

Interes general?

E transparencia (no intenciona) menciona aki riba ta muestra tambe claramente cu e ministro 'cueste lo que cueste' kier realisa un incinerator na Aruba. Esey posiblemente ta trece cune cierto efectonan negativo pa interes general! Tambe en vista di desaroynan mundial den direccion di economia circular, mas y mas pais ta pasa pa deshaci di nan incinerator(nan). Re-uso di desperdicio gradualmente ta birando e principio di guia. Pero tambe e emision continuo di gran cantidad di huma cu tur tipo di elemento desconoci (pasobra: ta kima TUR cos!), cu por forma un peligro pa salubridad publico, ta hunga un papel importante aki. Empresanan ta gasta sumanan grandi na filter pa por cumpli cu rekisito ambiental di e paisnan envolvi.

Na Aruba, pa motibonan no bon conoci, te awe ainda no tin un ley ambiental actualisa. Pa un supercontaminador manera un 'upgrader' esaki lo ta e paraiso na mundo, pero tambe pa un empresa cu un incinerator cu ta desea di corta gasto y cu ta haya un gobierno 'di bon voluntad' na

Continua pag. 19

Burachi y no kier bay drumi a causa su detencion



Weststraat - Diasabra anochi pa mas o menos 11'or polis su presencia tawata necesario na un adres den Weststraat.

Na e adres un famia a hayanan obliga di yama polis p un miembro di famia bou influencia. A

papia masha hopi mes cune pa e bay sosega e curpa, pero sin resultado. Mirando cu si e keda lan-

ta lo por bin problema a yama polis. Na yegada no a keda polis nada otro cu pidi Trans-

portwagen y hibe warda unda elo haya un cel pa e drumi, unda elo no causa niun problema.



Bo a logra para bo auto? Duna danki na Dios: Ta aparece na Italia un parkeermeter cu ta "cobra" cu oracion

Dilanti di e parokia di Madonna di Passo, den e municipio Italiano di Avezzano, a aparece un parkeermeter hopi particular, ya cu e conductornan no ta paga cu placa of cu un aplicacion di celular, ni cu un credit card: e unico "moneda" cu ta acepta ta oracion. E "prijs" di parkeer ta varia for di dies Avemaria pa un ora di parkeer te na un novena completo pa cinco ora.



E pastoor Vincenzo De Mario, ta splica cu el a haya e idea pa anima e fielnan na riesa, ya cu e ta preocupa cu awendia e comunidad ta grandi, pero e asistencia na misa ta abao. "E ta dirigi na tur. Loke cu ya ta participa ta in-

vita na resa y pa esnan cu no ta asisti por ta un oportunidad pa reflexiona," Don Vincenzo ta señala den un corant local. "Y con ta verifica cu e tarifa ta paga? "Señor y Madonna ta bay controla," e pastoor ta contesta.

CONSAGRACION NA E SANTA CRUZ *Oracion di liberacion di san Benito Abat*

(CSSML)
CRUX Sancta sit mihi Lux
(NDSMD)
Non Draco sit Mihi dux
(VRSNSMV)
Vade retro Satana
Nunquam suade mihi vana
(SMQLIVB)
Sunt mala quae libas
Itse vevena Bibas.
AMEN

E Santa Cruz ta mi Luz
E diabel no ta mi guia
Hala for di mi Satanas
No sugeri cosnan envano,
Maldad so bo tin di ofrese.
Bebe abo mes bo Mesun
Veneno.
Na number di Tata, di Yui y
di Spirito Santo.
AMEN

WASTE HANDLING CLEANING SERVICES

10FT



20FT



30FT



PRIJS DI BAKI:
150-175-200-250

*PRIJS TA DEPENDE DI KI TIPO DI SUSHI

YAMANOS NA:
560 3500 OF 563 4201

Stichting Deugdelijk Bestuur Aruba (SDBA):

LEY NOBO DI RECOGE Y PROCESA DESPERDICIO CONTRA PRINCIPIONAN DI BON GOBERNACION

Continuacion pag. 17

su banda. Pa e bisiña y turistan (Renaissance Island) esaki ta trece riesgonan di salud inacceptable cune.

Pero tambe na e banda di costo tin cierto riesgo involvi den un incinerator. Aparentemente gobierno a haci compromiso na e empresanan interesa di un cantidad minimo di 90.000 ton di desperdicio pa aña. Calculacion haci di produccion di desperdicio na Aruba ta duna sin embargo alrededor di 70.000 ton. Esey por implica cu gobierno lo mester duna e empresa permiso pa importa desperdicio di otro pais pa permiti e empresa opera na un nivel rentable. Loke nos no kier haci cu otro pais, nos ta haci cu nos mes si!

Esaki por significa tambe cu gobierno mester duna e empresa permiso pa haya e placa cu falta via un aumento di e cobransanan pa desperdicio. Ningun di e dos opcionnan ta alternativa atractivo pa Aruba. Ta bin acerca cu Aruba por haya daño enorme pa fayto di e incinerator pa motibo di falta di mantenimiento adecua (na Aruba un problema general real!) manera na e momento aki ta sucede na Amsterdam pa varios luna caba, siendo cu nan ta hopi mas rico. Esaki por trece consecuencianan financiero cu ta sobrepasa capacidad di Aruba considerablemente, mientras cu esaki ya caba ta na un punto minimo.

Tambe pa posible inversionistanan e incertidumbrenan aki ta forma un problema grandi. No ta pornada a resulta cu ningun di e 17 empresanan cu a duna un 'muestra di interes' tabata dispuesto di participa den e destaho publico.

Stichting Deugdelijk Bestuur Aruba (SDBA):

LEY NOBO DI RECOGE Y PROCESA DESPERDICIO CONTRA PRINCIPIONAN DI BON GOBERNACION (Parti 2)

Aumento di debe nacional
De hecho e modelo 'DBOOT' (Design-Build-Own-Operate-Trans-

fer) cu e ministro ta propone ta un forma di financiamiento 'PPP' (Private Public Partnership). E total di compromiso financiero ta suma actualmente casi Afl. 1 biyon. Pa un pais chikito manera Aruba esaki ta nifica un compromiso sumamente grandi cu ta sobrecarga e presupuesto cu ya ta bao presion cu mas di Afl. 80 miyon pa aña extra. Hunto cu e compromisonan di pago di interes di mas di Afl. 220 miyon pa aña esaki ta implica un compromiso permanente di presupuesto di Afl. 300 miyon (20% di e presupuesto total!) pa e proximo 20 añanan. E incinerator cu ta considera esun mas ideal pa e situacion di Aruba mester costa, incluyendo 'finder's fee' (?!), alrededor di Afl. 300 miyon. Den e caso mas favorable esaki ta e costonan maximo. Pero... e lo no ta e prome proyecto cu ta fracasa: algun aña pasa a logra deshaci, de hecho a traves di sabotaje di indole politico-partidario, di e proyecto di Bouldin & Lawson pa procesamiento di desperdicio.

Di e manera aki e pagador di belasting Arubano a mira casi Afl. 30 miyon desaparece manera huma riba dump, mientras cu e empresa no a funciona ni un aña. Y tambe e siguiente iniciativa (priva) pa atende e problema di desperdicio na Aruba cu instalacionnan nobo (Pyrolyse) no a resulta (ainda) pa cumpli cu e expectativanan. E opcion pa un incinerator na e momento aki lo contribui na un di dos destruccion di capital cu no por responsabilisa, mientras cu no a agota tur posibilidad di mehoracion.

Banda di esaki ta existi e posibilidad cu e proyecto aki finalmente ta resulta mas caro ainda, manera recientemente tabata e caso cu otro proyecto PPP, esta hospital. Ey e costonan a aumenta cu alrededor di 60% (Afl. 150 miyon?) pa motibo di 'error humano'. Den e caso aki hasta RvA no por haci un prueba di cumplimento cu proposito, pasobra "e fundamentacion financiero ta faya gravemente." Pero... ya caba sin aumento di costo no premira e proyecto di ley nobo aki ta nifica

un peso adicional considerable riba cartera di tanto ciudadano como empresa cu pa e ultimo 6 añanan a haya basta peso adicional pa carga caba.

E aumento di 30% di e total di compromiso PPP ta trece cune tambe cu e total di compromiso PPP di un solo golpi (a traves di un solo proyecto!) ta aumenta te na alrededor di Afl. 1,3 biyon. E situacion actual sin embargo ta considera pa CAft como un compromiso maximo cu ya caba ta stretch e capacidad financiero di Aruba te na su extremo. Ta bin acerca cu gobiernonan subsiguiente di Aruba a scoge pa administra e compromisonan aki 'off-balance'. Pero... segun e reglanan di 'International Public Sector Accounting Standards' (IPSAS) no mag haci esaki (mas) y mester pone esakinan como debe riba balans. Esaki ta aumenta inmediatamente e relacion debe/GDP bastante negativo caba, di casi 90% te mas di 100%. Esey ta haci un situacion financiero cu ya caba ta insostenible, critico.

Oportunista

Mirando cu ta trata di un proyecto di ley, Raad van Advies (RvA) mester duna su conseho riba e propuesta aki. Esey a sucede algun tempo pasa tambe pa loke ta trata e convenio cu sindicato di duanero cu a ser firma pa e ministro di finanzas di e tempo ey na juli 2017, poco prome cu eleccion. RvA y otro instancianan consultivo a reacciona – cu tur nan razon – negativamente ya cu esaki lo a crea un precedente. E sistema nobo lo a aumenta e gastonan di personal di gobierno cu ya ta demasiado halto, cu mas di Afl. 50 miyon. E actual ministro di finanzas y asunto economico a gara e conseho aki duro pa rechasa e exigencianan di e sindicato di Aduana.

Di totalmente otro indole ta e actitud pa cu e conseho di RvA mayoritariamente negativo relaciona cu e proyecto di ley encuantado procesamiento di desperdicio. Ta trata esaki di un manera laconico, aparentemente pasobra

e no ta cuadra cu 'maneho di e ministro'.

Parlamento tambe ta ambivalente pa loke ta trata sigui e consehonan di RvA. Esun parlamento ta ignora un conseho pa cu LAft; e otro ta sigui e mesun conseho integralmente...

E otro banda di e medaya Naturalmente no ta gobierno so cu ta comete 'error'. Segun e ministro, EcoTech/Gas den ultimo añanan

a haci nan mes culpable di diferente violacion di ley; nan ta orienta riba e mercado comercial cu ta duna e 'placa grandi'; nan no ta cumpli cu acuerdo; nan no a cumpli suficientemente cu expectativanan pa loke ta procesamiento di desperdicio y nan ta duna comunidad un imagen robes. E proyecto di ley nobo segun e mandatario no lo afecta nan posicion competitivo significativamente.

E impresion ta existi sin embargo, cu e actual proyecto di ley presenta ta consecuencia tambe di un conflicto ente e ministro concerni y e propietario di EcoTech/Gas. Ta hiba esaki entre otro via lomba die empleadonan cu hasta ta 'hala garoshi' pa nan pa duna nan argumentonan mas forsa.

Tur esaki por conduci na daño grandi pa comunidad Arubano. Aceptacion y implementacion di e proyecto di ley segun e empresa priva por conduci na eliminacion di tur competencia di 'e empresa' (Serlimar). E temor cu 'e empresa' (Serlimar) pa loke ta diferente aspecto lo no cumpli cu expectativa, ta, a base di e experiencianan hopi reciente di 'e empresa', como tambe manera general di operacion den gobernanacion, ta hustifica. Den combinacion cu e destruccion di capital na gran escala y e eliminacion di experticio acumula, e riesgo y costonan programa (y imprevisto!) di e conflicto aki pa comunidad di Aruba ta anto totalmente no-responsable.

Complementario

Continua pag. 20

Stichting Deugdelijk Bestuur Aruba (SDBA):

LEY NOBO DI RECOGE Y PROCESA DESPERDICIO CONTRA PRINCIPIONAN DI BON GOBERNACION

Continuacion pag. 19

Den practica a keda demostra cu tanto Serlimar como EcoTech/Gas ta eherce nan tarea actual di recoge y maneha desperdicio di bon manera y cu nan por funciona fraternalmente banda di otro. Den cierto sentido nan ta hasta empresa complementario. Ta sensato anto pa crea un modelo den cual ambos empresa por keda opera banda di otro di un manera saludable. Esey ta exige consulta continuo entre ambos partido. Mirando e tension cu a aumenta, ta sensato pa laga e

consulta ey tuma lugar prome hunto cu y via un comision independiente y obhetivo, cu e conocimiento necesario. Esaki lo por consisti di mediador di gobierno, un experto financiero y/o economico y un experto juridico cu conocimiento al caso, cu pa cuminsa mester duna comunidad di forma transparente un presentacion corecto (obhetivo!) di e asunto. A base di e consulta aki por adapta e proyecto di ley di tal forma cu ta surgi un 'level playing-field' y por mantene

e costonan di procesamiento di desperdicio a largo plazo na un nivel controlable.

Parlamento

Finalmente parlamento ta e institucion cu ta dicidi definitivamente si e proyecto di Serlimar di e ministro encarga cu Infraestructura y Medio Ambiente mester continua. Ta di spera cu nan ta ser guia na prome instante pa criterio di bon gobernacion, integridad, transparencia y intereses general, pa cual nan a hura

na aceptacion di nan oficio. Sin embargo, si interes partidario y/o di coalicion haya prioridad, anto ta existi gran probabilidad cu ta scoge pa un proyecto cu lo aumenta mas ainda e peso financiero, grandi caba, pa poblacion di Aruba. Cu esey parlamento ta bira nada mas cu un extension di e parlamento cu apenas 3 aña pasa, tambe pa consideracionnan di indole partidista, ciegamente a aproba un acuerdo cu Citgo cu tabata totalmente intransparente, cu consecuencia

EAU: Aeropuerto di Dubai ta desvia dos vuelo pa presencia di drone



E Aeropuerto Internacional di Dubai a informa diadomingo cu entre 12'or y 36 y 12'or y 51 di merdia (ora local), a interumpi, pa rasonnan di siguridad su actividad y a desvia dos avion "debi na un actividad sospechoso di avionnan no tripulka," Reuters ta informa.

E incidente ta coincide cu e creciente tension cu ta biba den e region di golfo Persico pa motibo di e atake cu dronan manda dia 14 di september ultimo contra e instalacionnan di e principal petrolero di Saudi Arabia, Saudi Aramco. E responsabilidad di e in-

cidente a wordo asumi pa e rebeldenan Huti di Yemen, pero Ryad y Washington ta culpa Teheran di e ofensiva aki.



Asadero San Cristobal na Sta Cruz Tur merdia cuminda cayente...



**Pica Pollo - Medio Pollo
y hopi cuminda mas**

**PA PEDIDOS
Tel. 566-0319
Whatsapp Cel. 566-0319**

Habri te nochi..



Pedro Cruz y Samuel Rosales di Noord Taekwondo Center ta cla pa dia 28 di September.



For di dia cu Pedro Cruz y Samuel Rosales a wordo selecta pa Best of the Best

Taekwondo Test Event cos a bira mas cayente na Noord Taekwondo Center.


Grand Master Chaco Cornelio hunto cu su team di Masternan a pone cabes hunto pa bin cu un bon plan y strategia. Master Melvin Rasmijn ta e curador den Noord Taekwondo Center y tin su team bon motiva pa dia 28 di

September pa topa nan contrincante den Centro di Barrio Brazil.

Master Yoshmar Wever ta dedicando mas tempo na su team, pasobra despues di e Test Event ta bay bin Best of the Best y Pedro

Cruz tin un weso pa bay regla contra di Chile.

Un di e preguntanan ta, kiko por spera for di Pedro Cruz y Samuel Rosales dia 28 di September den Centro di Barrio Brazil?





Awa cu lamunchi y linasa: ta yudabo baha peso?

E bebida natural di awa cu lamunchi y linasa ta un di e complementonan natural cu a gana fama como alternativa pa adelgasa.

Si ta bon, no ta un formula pa kima vet di anochi pa mainta, si consumi'e como parti di e dieta, ta brinda beneficianan interesante. Tanto e lamunchi como e simianan di linasa tin nutrientenan cu ta apoya e metabolismo. Su inclusion den alimentacion ta reduci e episodionan di ansiedad y ta facilita algun proceso digestivo y hepatico cu ta interveni den e perdida di peso.

Awendia hopi hende cu ta interesa pa siña prepar'e, dado cu ta un opcion simpel pa lucha contra sobrepeso.

Cualnan ta su principal beneficianan? Nos ta conta cu detaye loke bo ta obtene djis pa tuma e preparacion aki.

Dicon ta recomenda awa di lamunchi cu linasa pa adelgasa?

Perdida di peso ta un proceso compleho cu por varia di acuerdo e funcionnan di cada organismo.

Aunke un bon alimentacion y e practica di ehercicio ta clavenan pa logr'e, tin esnan cu tin hopi dificultad.

Di un banda, ta hopi compleho pa cuminsa modifica e custumbenan di un momento otro, en especial ora cu a biba den sedentarismo.

E otro cuestion ta cu e metabolismo no ta funciona mescos cu tur hende y hopi tin facilidad y otronan no. Pero, poniendo esey un banda, tin varios complemento di origen natural cu por ta util pa alcanza e obhetivo sin pasa "sufriemento."

Awa cu lamunchi y linasa, por ehempel, ta conta cu nutriente y efectonan adelgasante cu ta apoya ali-

mentacion.

Su consumo regular no solamente ta promove e desintoxicacion di e curpa, sino cu e ta mehora e salud inmunitario y ta preveni algun enfermedad.

Ademas, e ta reduci e segregacion di e hormoonnan di hamber y ta un opcion abao den calorica pa mantene e curpa hidratada.

Beneficianan di lamunchi



pa adelgasa

E juice di lamunchi ta un di e ingredientenan natural cu a protagonisa e dietanan pa adelgasa.

Debi na su aportenan di vitamina C y e mineralnan esencial, ta un completo alimento pa fortalece e funcionnan inmunitario y mehora e estado fisico.

Durante decadanan el a destaca pa su propiedadnan diuretico, antioxidante y alcalinisante, cualnan ta conferi varios beneficio tanto pa e peso como pa salud.

Su consumo regular ta combati inflamacion y ta proteha e tehidonan contra varios antígeno cu ta interferi den e salud.

- E ta contene antioxidantenan conoci como polifenol, cu ta faborece e reduccion di celnan vet den e organismo.

- Su acido citrico ta stimula e segregacion di bilis, substancia produci den e vesicula pa e diges-



tion corecto di lipidonan.

- Danki na su aporte di fibra dietetico, ta mehora e proceso di digestion y ta frena e ansiedad pa come.

- Di su banda, e nutriente aki ta faborece e control di colesterol malo y ta reduci e riesgo di diabetes.

Beneficianan di e simianan di linasa pa adelgasa

E incorporacion di simianan di linasa den e dieta humano a extende den e ultimo decada. Tras di a conoce cu nan ta bon pa e salud digestivo y e control di peso, hopi hende no a duda den adkiri nan.

Y e ta, cu a pesar di su tamaño chikito, nan ta un fuente di nutriente hopi significativo.

- E ta contene dosisnan light di acidonan graso omega 3, reconocí pa su accion antiinflamatorio y beneficio cardiovascular.

- Un 28% di su peso ta fibra dietetico, cu ta fa-

- 4 cup di awa (1 liter)
- 2 cuchara di simia di lino (linasa, flaxseed, lijnzaad) (20g)
- Juice di un lamunchi

Preparacion

- Basha e cupnan di awa den un wea y ponenan herbe
- Una bes cu e alcanza su punto di coccion,



borece e control di colesterol y e salud digestivo.

- Su antioxidantenan ta apoya e funcionamiento celular di e organismo y ta inhibi e deterioro causa pa e stress oxidativo.

- Ta conta cu un aporte eleva di mucilago, substancianan cu ta apoya e regulacion di glucose den sanger.

- Su enzimanan ta yuda descomponer cu mas facilidad di vet y proteinanan, evitando cu ta acumula den depositonan den e curpa.

Con pa prepara awa cu lamunchi y linasa pa adelgasa?

Pa probecha den maximo e propiedadnan di adelgasante di e alimentonan aki, no tin nada miho cu sigui e receta di awa cu lamunchi y linasa.

Ta trata di un bebida di consumo diario cu ta promove e bienestar general mientras ta apoya e perdida di peso.

Ingrediente

agrega e simianan di linasa y reduci e candela.

- Laganan durante 3 of 4 minuut, despues kit'e di e candela.
- Cubri e wea cu un tapa y lag'e reposa e tempo cu ta necesario.
- Ora cu e ta apto pa su consumo, filtr'e cu un colado y agrega e juice di e lamunchi.

Modo di consumo

- Bebe un cup di awa cu lamunchi y linasa na yuna.
- Dividi e bebida restante pa 3 of 4 mas.
- Ripiti su consumo por lo menos 3 biaha pa siman.

Ainda bo no a incorpora e remedi aki den bo dieta regular? Anima bo mes pa sigui e receta na cas y descubri pa bo mes con bon e ta pa mehora bo peso y figura.

Por supuesto, no lubida di apoy'e cu un dieta abao den vet y actividad fisico.

Participa na e proyecto di traha pelicula den 48 ora y ricibi tayernan di cine gratis



Fundacion CINEARUBA ta ofrece tayernan di Cinematografia y Diseño di Zonido gratis na tur participante di e '48 Hour Film Project Aruba' cu lo tuma luga na principio di october. E tayernan ta exclusivo pa e participantenan di e proyecto aki y nan lo wordo duna pa profesionalnan di e industria creativo. For di Curacao e Cinematografo di e pelicula Tula: The Revolt señor Dolph van Staple lo duna e tayer di Cinematografia. For di Brazil e Diseñado di Zonido di Abo So Adriano Nanof lo duna e tayer di Diseño di Zonido. Fechanan pa e tayernan lo ta riba 2 y 3 di october. Participantenan cu ta registra tin acceso na e tayernan gratis. Si no ta registra ainda por haci esaki via e website www.48hourfilm.com/aruba.

E dianan ta cercando, pero ainda tin espacio nan habri pa por registra y participa na e prome competencia '48 Hour Film Project Aruba' cu basicamente ta enfoca riba trahamento di pelicula den 48 ora. Na e oficina di CINEARUBA na Ateliers '89 riba diabierna 4 di october cada team lo ricibi nan genero di pelicula. Cada team lo haya sa e labor di nan personahe, e dialogo cu tin cu inclui den un frase y tambe cua ta e obheto

dramatico cu e personahe lo tin cu uza. Riba e mes un diabierna cada team por tuma e tempo pa traha riba nan script pa nan pelicula cortico di un duracion minimo 4 minuut y maximo 7 minuut.

Riba diasabra 5 di october ful rond di Aruba lo tin filmacionnan di e teamnan cu ta participando. Durante diasabra CINEARUBA lo bishita cada team pa wak e desaroyonan. No tin un limite di participante pa team y tampoco di edad di cada participante. Menornan di edad mester un carta di permiso for di nan mayor. Cada team tin un team leader, e persona na encargo di e team y e persona cu lo entrega e pelicula final na e oficina di CINEARUBA na Ateliers '89.

Riba diadomingo 6 di october cada team lo finalisa nan pelicula y e team leader lo entrega esaki na tempo na e oficina di CINEARUBA na Ateliers '89. E lo ta un fin di siman yena cu reto y pa pasa dianan agradabel cu famia y amigonan trahando riba un pelicula den 48 ora. Tur persona por participa y pa participa mester registra riba e website oficial di 48 ora cu ta www.48hourfilm.com/aruba. Na momento cu registra no ta necesario pa tin un team com-



pleto, por keda agrega miembro di team te cu 4 di october.

E pelicula di Aruba cu gana e miho pelicula den 48 ora Aruba, lo representa Aruba na Rotterdam, Hulanda otro aña, compitiendo cu tur e otro

miho pelculanan rond mundo. Si e pelicula di Aruba cay den e miho 12 pelculanan di 48 ora na Rotterdam, e pelicula di Aruba lo wordo presenta na e prestigioso festival di cine di Cannes na Francia. Na 2017 tabata un di e pelculanan di Bo-

naire cu a keda presenta na e festival di Cannes unda cu e participantenan a gana riba e tapijt cora bao di tur e luznan y cameranan sacando nan potret. Kizas na 2020 por ta un pelicula di Aruba cu lo wordo pasa na e prestigioso festival di Cannes, Francia.

PUEBLO A HAÑA SU PEN BEK

Pa kualkier informacion
solodipueblo@gmail.com
of
585-9500

Kico Bisa Ora Un Hende Tira Un Chiste of Mal Chansa Fo'i Sla?



Kico bisa ora un hende haci un chiste cruel of fo'i sla tocante e trastorno neurocognitivo di tipo Alzheimer? No tur chiste tocante Alzheimer ta gracioso of bon bini. Bo por ta sigur cu comentarionan tocante un of otro forma di trastorno neurocognitivo (leve of mayor), malesa, of di cualquier otro condicion cu ta haci dolor ta chistenan cu mester pasa pa pasado.

Aki ta sigui algun sugerencia cu por yuda combati e stigma asocial cu e trastorno neurocognitivo di tipo Alzheimer. Laga nos elabora un tiki riba kico NO bisa un persona cu Alzheimer of otro condicion neurocognitivo. Un mal escogencia di palabra por ta tanto doloroso como frustrante. Siguientemente algun palabra y pregunta pa evita.

Pero kico 'stigma' kier men? Aki un definicion: 'stigma' ta un actitud denigrante haci pa un persona na un otro persona. Esaki por ensera insulto contra rasa, religion, apariencia fisico, habilidad, discapacidad, etc. Stigma ta un forma di discriminacion. Hopi hende afecta pa un condicion neurocognitivo ta vocifera cu nan a experiencia diferente grado di stigmatisacion na cierto momento despues di un diagnostico.

Aki ta sigui algun ehempel den seno familiar of cu conoci:

- Mi no kier wordo contamina cu Alzheimer.
- Bo no ta muestra cu bo tin Alzheimer!, of No por ta cu abo tin Alzheimer, esaki mester ta un eror di e dokter, etc.
- Miembronan di famia por distancia nan mes despues cu nan a haya e noticia di un diagnostico.
- Amigonan no ta comunica ni bishita mas despues di un diagnostico relaciona cu Alzheimer.

Esakinan ta algun kehonan vocifera pa hende afecta cu un condicion relata na Alzheimer:

Comentarionan realiza pa publico, riba caya, den tienda, den transporte publico.

Un tipo di stigma cu a para bira mas comun ta: "chistenan" desagradabel y comentarionan haci den rednan social. Esakinan normalmente ta referi na, por ehempel, un colega na trabou (cu probablemente ta den un fase tempran di un of otro condicion (neuro)cognitivo y cu a lubida su yabi di auto, of a lubida un nomber, etc.)

Tweet recien di un "chiste": Esaki ta uno di hopi comentario y chistenan doloroso cu por observa riba e red social y ta un forma di stigma cu no ta wordo cuestiona y ta wordo tolera.

Comentarionan inapropia, ofensivo manera esaki, ta solamente aumenta e stigma cu ta relaciona cu 'Probabel Alzheimer' y un diagnostico.

Humor como un mecanismo di escape of inseguridad

Mientras cu nos mes sa di tira un chiste fo'i sla of cu por ta doloroso pa un otro, nos por compronde tambe cu na otro banda e famia, amigo, cuidador y hasta e persona afecta, por usa chiste y humor como un forma di lidia cu con nan mes ta sinti e momento ey. Sa pasa hopi cu cuidadornan ta yama y conta di momentonan alegre y hasta divertido di biba cu un diagnostico. Ta importante encurasha nan pa keda comparti momentonan asina tambe.

Cada experiencia di un condicion neurocognitivo relata na Alzheimer ta diferente – nos ta compronde y acepta esaki tambe.

E tipo di chiste/broma cu nos kier cuestiona ta esunnan cu ta haci dolor y comentarionan tocante un condicion (leve of mayor) di tipo Alzheimer, cu ta basa riba malinformacion di esnan afecta of e cuidadornan. Esakinan ta eleva e stigma asocial cu e condicionnan y por tin un impacto negativo riba esnan afecta cu ainda por lesa, mira of scucha esaki.

Agun tips pa yuda kibra e stigma di un condicion di trastorno neurocognitivo, leve of mayor:

Si abo ta experiencia comentarionan ignorante of chistenan desagradabel, por bien ta cu bo ta sinti e deseo di coregi of educa e hende cu ta haci esakinan.

Aki ta sigui algun conseho con pa yuda nos kibra e stigma asocia cu chistenan doloroso/desagradabel/fo'i sla riba e condicion di trastorno neurocognitivo:

1. Mira e persona, NO e condicion of su malesa.
Corda e persona cu haci bofon of conta un chiste di un condicion neurocognitivo NO ta defini e persona su personalidad of su bida.
2. E No ta divertido pa tur hende.
Puntr'e con e persona cu e condicion aki lo sinti ora e wak of scucha e comentario/chiste? Loke un persona ta haya chistoso, hopi lihe por bira ofensivo serca e otro!
3. Chiste cruel ta contribui na stigma.
Splika e hende cu comentarionan y chiste ignorante ta sirbi solamente pa aumenta e stigma rondo di e trastorno neurocognitivo di tipo Alzheimer y condicionan relata. Door di keda conta e chistenan desagradabel aki ta haci cada biaha mas dificil pa kibra e stigma pa e hendenan afecta cu e condicionan aki awo y tambe den futuro.
4. No saca informacion incorrecto.
Hopi chiste desagradabel por haci hopi dolor y ta basa riba estereotiponan, malinformacion y mitonan. Laga e hende sa cu e por haya informacion confiabel y di fuentenan fidedigno tocante e condicionan (leve y mayor) aki y tambe di e condicionan cu ta reversibel.
També ta posibel pa comparti bo experiencia personal riba nos Facebook: Fundación Alzheimer Aruba (F.A.A.) y/o Bisa No na Abuso di Anciano.
5. Sea semper habri pa siña mas.
Asisti na nos lectionan y lesa tocante e temanan aki ta un bon manera pa siña mas y cambia comportamiento.

Investigacionnan extensivo mundialmente tocante Trastorno Neurocognitivo (TNC), (antes yama Demencia), ta revela cu:

- dos tercera (2/3) parti di hende ta pensa cu un condicion di Trastorno Neurocognitivo ta normal den e proceso di envehecemento, en bes di un condicion medico/neurologico.
- Aki 95 porciento di e respondientenan ta pensa di tin chens pa desaroya un di e condicionan di Trastorno Neurocognitivo (TNC) durante nan bida.

Un investigacion cu 70,000 respondiente den 155 pais ta revela cu:

- 2 den cada 3 persona ainda ta pensa cu un condicion di TNC ta normal den e proceso di envehecemento.
- 62 porciento di profesionalnan den salubridad ainda ta pensa cu un condicion di TNC ta normal den e proceso di envehecemento.
- Mas o menos 50 porciento di personanan cu ta biba den un condicion di TNC ta sinti nan mes ignora door di profesionalnan den salubridad (dokter y nurse).
- 1 den cada 5 persona (20%) ta atribui un condicion di TNC (Mayor) como: 'mala suerte'. Casi 10 porciento como boluntad di Dios y 2 porciento ta atribui esaki na bruheria.
- Cada 3 seconde un persona na mundo ta cuminsa desaroya un condicion di TNC

"London School of Economics and Political Science" (LSE) a haci e analisis di e investigacion mundial aki.

E rapport aki ta revela cu stigmatisacion di un condicion di 'TNC' ta preveni cu hende ta busca informacion, conseho, apoyo y ayudo medico cu por yuda mehora e duracion y calidad di bida dramaticamente. Globalmente condicionan di TNC ta creciendo hopi lihe como e motibo di fayecimento.

Ta wordo calcula cu pa aña 2050 e cantidad di persona cu un di e condicionan cu ta resorta bou di TNC lo triplica te mas cu 152 miyon compara cu awendia cu ta un 50 miyon.

"Stigma ta e barera mas grandi cu ta limita tur hende na mundo pa mehora e manera con nan ta biba cu un di e condicionan di TNC dramaticamente." asina Paola Barbarino, director di Alzheimer Disease International (ADI), a bisa.

Tambe e rapport ta revela actitudnan asombroso tocante condicionan di TNC. Den e investigacion a inclui respondientenan cu ta biba den un condicion di TNC mayor, cuidadornan, profesionalnan den salubridad y publico en general. Un causa principal di preocupacion den e rapport aki ta e cantidad di hende na mundo cu ta pensa cu un condicion di TNC ta un parti normal di envehecemento.

Cuarenta y ocho porciento (48%) di e respondientenan ta kere cu problema cu memoria den un condicion di TNC nunca lo mehora, ni maske cu tin apoyo medico, mientras un den cada cuatro (25%) persona ta pensa cu nada por wordo haci pa preveni un condicion di TNC. Esakinan ta bareranan grandi cu ta preveni hende di busca ayudo, conseho y apoyo.

E rapport ta revela cu stigmatisacion di un condicion di TNC hopi biaha ta bai man den man cu stigmatisacion asocia cu salud mental / psiquiatrico, enfocá riba edad y accentua door di falta di disponibilidad di tratamiento medico. En realidad, hopi forma di apoyo ta existi rond mundo. Combersamento y planeamento por yuda hende pa biba mas bon y mas largo posibel den un condicion di TNC.

Den e rapport ta constata cu 50 porciento di respondientenan cu ta biba den un condicion di TNC ta sinti nan mes ignora door di profesionalnan den salubridad (dokter y nurse), mientras 33 porciento di respondiente cu ta pensa cu si ta tin un condicion di TNC, nan lo NO wordo scucha door di dokternan y otro profesionalnan den salubridad.

Interesante ta cu **95 porciento di e respondientenan ta pensa cu si nan lo desaroya un condicion di TNC den nan bida y mas cu dos tercera parti di nan (69.3%) lo haci un test genetico pa sa si nan tin riesgo di haya un condicion di TNC** (maske cu actualmente no tin un tratamiento pa evita e malesanan di e tipo Alzheimer). Sinembargo, dos tercera parti di e respondientenan ainda ta pensa cu un condicion di TNC ta un desaroyo natural di envehecemento. E miedo di desaroya un condicion di TNC serca hende ta halto. Mundialmente, pero e comprendemento real di e malesanan di tipo Alzheimer ta bou. Esaki ta hopi preocupante pasobra un condicion di TNC tipo Alzheimer y otro condicionnan di TNC ta e di 5 condicion mundialmente cu a final por conduci na fayecimento.

Combersashon y consultashon tocante e condicion di TNC ta yuda maneha e stigmatisacion, normalisa e lenguaje y encurasha hende pa busca ayudo, conseho y apoyo. "Stigmatisacion ta sali for di miedo/inseguridad. Miedo ta genera silencio, y na su turno ta persisti den ignorancia y malcomprendemento.

Cada 3 seconde un persona na mundo ta cuminsa desaroya un condicion di TNC, sinembargo mayoria di nan NO ta wordo diagnostica of ta ricibi opoyo. Actualmente e gasto anual relaciona cu condicionnan di TNC ta mas cu 1 triyon (1,000,000,000,000) Dollar Mericano – un cifra cu lo redobla pa 2030. Fayecimento cu wordo conduci pa un condicion di TNC a redobla entre 2000 y 2016, haciendo esaki e di 5 causa na 2016 cu ta conduci na morto, mundialmente; na 2000 e tabata na di 14 luga.

Falta di conocemento riba un condicion di TNC ta resulta den suposicionnan incorrecto relata na e efecto di un di e condicionnan aki riba e persona y su famia. Igualmente ta e caso ora trata estereotiponan negativo tocante con un persona den un condicion mayor di TNC lo comporta su mes.

Tin evidencia cu ora cu un persona cu tin un condicion di TNC y su famia ta bon prepara y apoya, e sentimento di shock, rabia y duele ta wordo balansa door di seguridad y empoderamento, p'esey e enfasis riba e campaña global ta riba "aumenta e conversacionnan rondo di condicion di TNC".

Den un siguiente articulo FAA lo publica cifranan relata na Aruba su situacion.

Traducion: Fundación Alzheimer Aruba (FAA).

Prome Minister Evelyn Wever-Croes:

PROME MINISTER DI ARUBA LO TA PRESENTE NA E DI 74 REUNION GENERAL DI NACIONNAN UNI

Durante e siman di 23 pa 27 di september, Prome Minister di Aruba Evelyn Wever-Croes, lo ta na New York pa asisti varios reunion y evento di nivel halto na e di 74 Reunion General di Nacionnan Uni ('General Assembly'). E Reunion General di Nacionnan Uni ta un reunion anual cu ta trece 193 estado miembro pa discuti y traha riba varios reto internacional entre otro desaroyo, cambio di clima, paz y seguridad y mucho mas. E reunionnan aki ta tuma lugatuna cu tur e miembronan na e sede di Nacionnan Uni na New York.

Aruba lo forma parti di e delegacion di Reino Hulandes. E delegacion aki ta consisti di Premier di Holanda, Rutte, Prome Minister Wever-Croes di Aruba, Prome Minister Rhuggenaath di Corsou y Prome Minister Marlin-Romeo di Sint Maarten. Minister Blok di Relacionnan Internacional, Minister Kaag di Comercio Internacional y Cooperacion pa Desaroyo, Minister Nieuwenhuizen di Infrastructura y Maneho di Awa, Minister Bruins di Salubridad y Sport, y di Aruba Minister Lampe di Educacion, Ciencia, y Desaroyo Sostenibel tambe lo tey presente. Ademá e pareha real Rey Willem-Alexander y Reina Maxima tambe lo forma parti oficial



di e delegacion di Reino Hulandes.

Prome Minister Wever-Croes lo organisa un reunion di tarima di mas halto "high-level" durante e siman aki riba e topico di implementacion di SDG 16+ door di islanan. Rey Willem-Alexander tambe lo ta presente na e evento di Aruba hunto cu lidernan di region y paisnan mas grandi. E meta di e evento aki ta pa crea cooperacion cu otro islanan den desaroyo y organisacionnan di Nacionnan Uni pa yuda combati corrupcion y pa fortalece institutonan transparente. E mesun topiconan aki lo wordo discuti durante Minister President su discurso na e Revision di e SAMOA Pathway riba e retonan y progreso riba e area di integridad. Ademá, Prome Minister Wever-Croes lo atende varios evento importante y lo hiba discursonan riba topiconan di derecho di hende muhe, innovacion, cambio di clima, corrupcion y tambe e implementacion di e metanan pa desaroyo sostenibel (SDGs).

Ademá di e eventonan formando parti di e Reunion General di Nacionnan Uni, Prome Minister Wever-Croes lo tin varios reunion cu organisacionnan y institutonan importante como por ehempel, World Tour-

ism and Travel Council (WTTC), Clinton Foundation, Organization for Economic Cooperation and Development (OECD), y World Economic Forum (WEF) y lo hiba diferente discurso y comparti Aruba su vision y plannan pa crea un economia resiliente, institutonan fuerte y transparente catalisa door di innovacion.

E WTTC lo tene un forum cu e topico di Clima y Accionnan pa Medio Ambiente. Prome Minister Wever-Croes, lo tene su discurso durante e evento aki riba e topico di clima y desaroyo sostenibel di turismo. Ademá di esaki, Prome Minister Wever-Croes den nomber di Gobierno di Aruba, lo firma un Letter of Intent (LOI) cu WTTC pa fortalece e relacionnan cu partners pa por explora oportunidad pa sigui desaroya innovacion den turismo y viahe.

Pa local ta trata Clinton Foundation, Prome Minister Wever-Croes a ricibi un invitacion pa un "roundtable" priva, hunto cu Ex-Presidente Bill Clinton y 25 diferente lider y ehecutivonan di companianan cu ta forma parti di Fortune 500. E topico lo ta e region Caribense, desaroyo economico sostenibel, innovacion y con nos por prepara pa retonan di futuro te-

niendo den consideracion e cambio di clima y nos medio ambiente. Clinton Foundation ta conoci pa ta hopi activo den Caribe, y specialmente pa asistencia brinda despues di desasternan natural.

Riba invitacion di OECD, Prome Minister Wever-Croes lo participa na e lansamento di un "Global Hub on the Governance for the SDGs". A base di colaboracion, e "Global Hub" aki lo stimula e capacidad di gobiernonan rond di mundo pa enfrenta e retonan cu ta bin cu e implementacion di e metanan global (SDGs), defini pa Nacionnan Uni. Prome Minister Wever-Croes lo elabora riba e prioridadnan pa Aruba, y e esfuersonan haci pa por logra y trece conscientizacion riba e metanan, Aruba su plan di manejo pa cu eGovernment y integridad. Esaki lo wordo haci den presencia di diferente mandatarionan y lidernan global, como tambe media internacional.

Pa cu e evento di World Economic Forum (WEF),

topiconan cu lo wordo discuti entre otro ta: Integridad, Transparencia, Iniciativanan pa combati corrupcion, y e rol di Tecnologia den tur esaki. Manera ta conoci, e topiconan aki ta di sumo importancia pa Aruba, den cuadro di e prioridad poni door di Gabinete Wever-Croes riba Integridad y "Good Governance".

Na comienso di e siman Prome Minister Wever-Croes lo reuni cu un grupo di lider muhe prominente y ehecutivo na New York di institutonan importante y companianan di sector priva pa establece lasonan nobo pa Aruba y atrae inversionista pa proyectonan importante.

E meta di e biahe aki ta pa crea partnerships pa por yuda resolve retonan social economico y pa logra un desaroyo mas sostenibel di nos isla. E ambicion di Aruba pa fortalece relacionnan cu organisacionnan paden y pafu di Nacionnan Uni y sector priva lo yuda nos logra nos metanan mas lihe.

PUEBLO A HAÑA SU PEN BEK

Pa kualkier informacion
solodipueblo@gmail.com
of
585-9500

**WASTE HANDLING
CLEANING SERVICES**

**SCEPTIC TANK
(7 CUBE)**

**PREIS SPECIAL
AWG 75,-**

**YAMANOS NA:
560 3500 OF 563 4201**

SERVICIO Y COMPRA



**Santa Cruz
BARBERSHOP**
Mon-Fri: 8AM-9PM • Sun: 9AM-6PM
T1.600-6673 • T2.592-1880

Cilantro's Grill Menu

Breakfast - Lunch - Dinner

CUMINDA CRIOYO
Sopi di Dia Special
Pa Pedidos: 594 0635



Maduro Heavy Equipment N.V.

Pa tur tipo di santo, piedra y graniet
Pa trabao di rosamento y cobamento
di fundeshi of Pos

Tin special riba diasabra

Rooi Bosal 49

Tel: 5851708/5943207/5931608

POWERLIFTING • BODYBUILDING

WARRIORHOUSE

GYM



Situa na
Santa Cruz 266
Tel: 566-4478

TA FURA

MATRAAS, MUEBLES,
STOEL DI AUTO
ORANGE MATRAAS FABRIEK
HOPI DESCUENTO
40% Y 50%,
MERCANCIA NOBO
TARABANA SOLO 5
593-4387 OF 588-7468

SOLO

BRIYANDO FUERTE • TRECIENDO CLARIDAD

Di Pueblo



Bo dak ta lek?

Yama
560-8568 of 585-0185
tambe ta hasi trabaow di coriente- verf -
welder- metsla- carpinte - kap mata
haci cura limpi

SOLO

BRIYANDO FUERTE • TRECIENDO CLARIDAD

Di Pueblo



Abona na **SOLO** Di Pueblo awor!

Yama 585-9500 of

e-mail nos na solodipueblo@gmail.com

Tur marduga nos ta entrege den bo porta di cas!

Noticia cayente, ta aki bo ta haye!

Plataforma Hobennan Profesional ta Informa:

Tatanan tin derecho riba dos dia liber en conexion cu e nacimiento di nan yiu

Dos dia di “vaderschapsverlof” ta suficiente of husto den e epoca cu nos ta biba aden?

Nos a tuma nota di diferente comentarionan relaciona cu e tema di diano liber pa tatanan ora cu nan yiu nace. Via di medianan social mama y tatanan a expresa nan disgusto pa e forma con “vaderschapsverlof” ta regla den nos leynan. Cu e articulo aki nos lo desea informa nos comunidad tocante e aspecto huridico di “vaderschapsverlof” y alabes hasi un analisis y comparacion cu otro paisnan den region y Europa. Nos no ta na altura si e tema aki ta un prioridad riba e agenda politico. Teniendo diferente circunstancianan na cuenta y evaluando e desaroyonan politico nos ta asumi cu NO, mirando e falta di interes cu tin pa adapta y modernisa nos leynan social y laboral. Sigur esaki no ta hasi e tema aki menos importante of interesante. Segun cifranan di CBS un total di 1000 baby a nace den anja 2012, registra den e ultimo Censo. Nos codigo civil cu ta reglamenta acurdonan laboral (leynan laboral) ta permiti pa esnan cu lo bai bira mama por baha cu un asina yama “zwangerschapsverlof”. E futuro mama por hasi uso di su derecho den e ultimo etapa di su embarazo den combinacion cu un periodo despues di parto. E ley vigente ta un duna un “verlof” di un total di 12 siman. Pa mas detayes di e derecho di “zwangerschapsverlof” por lesa y analisa Art: 7A: 1614CA BWA.



Tur pareha cu recien bira mayor sa cu e periodo aki ta un reto riba su mes. Mayoría bes e persona cu recien a bira mama no por atende cu tur e retonan su so y su condicion post- parto no ta duna pa e por regla tur cos y atende cu tur e tareanan domestico. E ayudo pa e mama aki ta sumamente esencial y di balor agrega den e promer dianan despues di e parto. Si e tata no tey pa yuda, e mama lo por sinti cu e ta su so den e proceso y no ta sinti cu e tin e sosten necesario. Imaginabo si e tata tambe por tey pa cuida su baby y yuda e mama ora e baby ta recien naci. Ambos lo sinti cu nan ta importante pa e baby recien naci y por medio di esfuerso colectivo reparti e diferente tareanan cu tin. E presencia di e tata sigur lo contribui na fortaleza di e famia. Actualmente tatanan na Aruba ta haya dos dia liber for di e momento cu e baby ta na cas. Saliendo for di e punto di bista di igualdad di genero y e importancia di e sosten di un tata den e prome dianan di bida di e baby, no por wor-

do nenga cu mester tin un construccion huridico cu ta regla “vaderschapsverlof”.

“Vaderschapsverlof” a wordo introduci 1 april 2013 na Aruba. Mester menciona cu e esaki no ta un construccion huridico desconoci ya cu na diferente parti di latino America, islanan den Caribe y Europa esaki ta wordo regla. Basa riba art 7A: 1614 cd BWA e tata cu ta casa of ta biba hunto cu e mama di su yui pa un periodo minimo di un aña ta bini na remarca pa ricibi dos dia liber cu pago, e asina yama “vaderschapsverlof”. E dos dia nan aki mester wordo tuma den un periodo di 4 siman for di e momento cu e baby ta na cas. Mester enfatisa si cu tin un condicion mara na dje. E condicion ta cu e pareha mester ta inscribi na e mesun adres cu e baby.

Pa ilustra e discrepancia den e dianan di vaderschapsverlof entre diferente pais nos a compila a siguiente grafico:

E pregunta na comienso di e articulo aki tawata : dos dia liber pa e tata en conex-

ion cu nacimiento di su yiu ta suficiente den e tempo aki? E contesta riba e pregunta aki ta keda na cada un ciudadano, instancianan social, gremionan laboral y esnan encarga cu asuntonan social y labor pa duna atencion na e tema aki. E articulo actual ta dunando cada tata dos dia liber. Loke kizas por pisa ora di evalua si e ta keda mescos of cambia ta e consideracion cu union familiar durante e momento di wordo bendiciona cu un baby ta hopi importante mes. E presencia di e tata lo tin un balor imaterial pa e mama e di e baby y sigur e lo percura pa fortalece e famia durante e dianan special aki. E sosten emocional necesario di tata pa e mama tambe ta importante. E tata lo por alivia e presion di e mama, pa e motibo cu e lo por tuma algun tarea domestico bou di su encargo.

Nos por conclui for di grafico cu Aruba ta pertenece na e paisnan cu ta duna relativamente poco dia di vaderschapsverlof na e tatanan. Tin critica for di e comunidad riba esaki. E tema aki merece un estudio profundo y no tin duda cu mester adapta esaki. Tin diferente motibo valido pa amplia e dia nan di vaderschapsverlof, manera nos a menciona caba entre otro:

- Presencia di e tata ta fortalece e laso familiar
- Alivia e presion riba e mama, pa motibo cu e mayornan por reparti e tarea nan relaciona cu e

tico.

E tata por ta un sosten emocional pa e mama di su yiu despues di parto, esaki por alvia e asina yama “post-bevalling depressie” Vaderschapsverlof na Hulanda

Na principio Hulanda tawata conoce un vaderschapsverlof di 2 dia y cu posibilidad di ricibi 3 dia adicional despues di e parto. E dunador di trabou no mag di nenga e dianan adicional aki. Desde 1 januari 2019 y e introduccion di e ley ‘Wet invoering extra geboorteverlof’ e tatanan lo haya mas dia paga. Un persona cu por ehempel ta traha 4 dia pa siman 8 ora pa dia lo bini na remarca pa un total di 32 ora di verlof. Pero e oranan aki mester wordo tuma den e prome 4 siman nan di nacimiento di e yiu.

Nos kier conclui e articulo aki cu e siguiente pensamiento. E rol di tata tambe ta uno importante den un relacion. E laso entre e baby y su tata tambe mester haya su balor y wordo concretisa den nos leynan. Manera nos a remarca caba ta keda na cada un ciudadano, politiconan, instancianan social, gremionan laboral y esnan encarga cu asuntonan social y labor pa duna atencion na e tema aki. Nos ta recorda comunidad cu Tienda di Ley ta sirbiendo comunidad tur diasabra entre 3 pm – 5pm na Cas di partido AVP.

Autornan:

Wendrick y Wendert Cicilia



PUEBLO A HAÑA SU PEN BEK

Pa kualkier informacion
solodipueblo@gmail.com
of
585-9500



CLASIFICADO

baby of trabounan domes- & Gerick Croes
Tipline: 585 9500

Saudi Arabia: Si e atake contra e refinerianan a bin di Iran, "e lo wordo considera como un acto di guerra"



E minister di asuntonan exterior di Saudi Arabia, Adel al-Jubeir, ta sigura cu si e investigacion demostra cu e atake contra su refinerianan a wordo manda for di Iran, esaki "lo wordo considera como un acto di guerra" pa su pais, cu, no obstante, ta busca e modo pacifico di rebaha e tension, segun el a declara den un entrevista na CNN.

"Den e caso cu e atake lo a wordo lansa for di su teritorio (Irani), esey lo pone nos den un categoria diferente.

Esaki lo wordo considera como un acto di guerra," e minister Saudita a destaca. Tambe, el a reitera cu su pais lo responsabilisa Iran pa e ofensiva contra su instalacionnan petrolero, ya cu e misil y dronnan uza a wordo traha den e pais Persa.

Di su parti, for di Teheran nan ta tacha di ta "mentiranan absoluto" contra e acusacionnan di Ryad.

"Nos ta responsabilisa Iran pasobra e misil y e dronnan a wordo manda riba Saudi Arabia (...) a wordo traha y manda pa e Iraninan," a nota e canciyer Saudita, cu no obstante, a recalca cu "e guerra ta e ultimo recurso" pa Ryad y pa Washington.

Oranan prome, e canciyer Saudita a sigura durante un rueda di prensa cu Ryad lo responde na e atake contra su dos refinerianan di petroleo si su investigacion confirma cu Teheran ta responsabel di e atake, aunke no a duna mas detaye riba e naturalesa di e respuesta hipotetico aki.

"Nos ta sigur cu e lansamento no a bin di Yemen, sino for di nort," e canciyer Saudita, kende a bisa di ta convenci cu e "investigacionnan lo demostra esaki."

Diaranson ultimo, vocero di e Ministerio di Defensa di Saudi Arabia, Turki al Malki, a afirma cu e atakenan contra e dos refinerianan Saudita, no a origina

na Yemen, "apesar di e esfuersonan di Iran pa e parce esaki."

Ademas, a cuminsa cu 25 drone y misil a wordo uza den e ofensiva y a muestra su restonan como prueba "inegabel" di e implicacion Irani.

Cualquier pais cu ataca Iran lo ta "un campo di bataya"

Di su parti, e hefe di e Cuerponan di e Guardia Revolucionario Islamico, Hossein Salami, a adverti diasabra cu cualquier pais cu ataca Iran lo converti den "un campo di bataya", y a indica cu "nunca nan lo permiti ningun guerra den su teritorio."

Tambe, el a sigura cu e Ehercito Persa lo sigui deriva e dronenan cu viola nan espacio aereo.

Tambe, Iran a adverti cu nan lo tuma represalia na gran escala contra cualquier eventual atake Mericano.

"Si e Mericanonan pensa den algun conspiracion, nos lo responde for di Mediterraneo te cu lama Cora y e Oceano Indico," e general mayor Yahya Rahim Safavi asesor di e lider supremo di Iran, ayatola Ali Jamenei a declara.

Atake contra refinerianan Saudita

Dia 14 di september ultimo, un grupo di drone a lansa un atake contra dos refineria di petroleo di e compania Saudi Aramco, ubica cerca di Abqaiq y Khurais, oost di e pais Arabe, loke a haci cu e produccion di crudo Saudita lo a cay casi na mita durante varios dia, kedando reduci na 5 miyon di bari pa dia.

Aunke e accion a wordo reivindica pa e forsan rebelde Huti di Yemen, Washington a acusa Teheran di ta tras di e atakenan, cu a nenga cualquier implicacion den e hechonan.

Salmo 23

"Señor ta miwardador, mi'n tin falta di nada. Den cunucu di yerba berde e ta ponemi sosega. E ta hibami na awa trankil, pa mi bolbe haña forsa."

Cu tristesa na nos curason, pero conforme cu voluntad di Dios, nos ta participa morto di:



Sra.: Ana-Maria Laronde Tromp

Viuda di Sr. Emile Laronde

* 28 april 1932

+ 17 september 2019

Na number di su yiunan:

Elaine y George (Joy) Dirks-Laronde y famia
Greta Laronde y famia

Wilbur y Marva Laronde-Smith y famia
Judith y Cesar Tromp-Laronde y famia

Su 8 nieto/nieta nan:

Gerald y Stacey Dirks-Goodnight y famia
Zulaika y Michael Croes-Dirks y famia

Melanie y Aaron Henneke-Wagner y famia
Fabien y Becky Laronde-Coburn y famia

Gregory Laronde

Gary Laronde

Sidney y Marjolein Tromp-Winklaar y famia
Lisandra Tromp

Su 16 bisanieto/a nan

Su rumannan:

Juan (Jonkey) y Beatrix Tromp-Ridderstap y famia
Elsa (Lichi) y Juan Tromp-Tromp y famia


Su subrino y subrinanan

Staf y personal di Huize Maris Stella y compañeronan y compañeranan di afdeling Wanglo.

Demas famia: Tromp, Laronde, Dirks, Wagner, Danje, Boekhoudt, Smith, Goodnight, Croes, Henneke, Coburn, Winklaar, Kelly, Julio, Hernandez, Roga, Maduro, v/der Linden, Britten, Olive, Jean-dore, Benoit, Baron, Bruney.

Ta invita tur famia, amigo y conosirnan pa acto di despedida cu lo tuma lugar diarazon 25 september 2019 for di 2'or pa 4'or di atardi na misa di Fatima na Dakota Y despues pa Santana Katholico na St.Cruz.

Invitacion pa e Triduo y Fiesta na honor di Padre Pio di Pietrelcina na Koyari dialuna 23 di september 2019



Dialuna dia 23 di september 2019 e grupo di oracion the Voice of Jesus lo bay celebra e Fiesta na honor di PADRE PIO DI PIETRELCINA na Koyari cuminsando pa 7.30 di anochi cu e Santo Rosario y despues ta sigui cu procesion, oracion y cantonan na su honor. Tambe lo bay tin un Triduo cu lo cuminsa diabierna

na 20 september, ta sigui diasabra 21 september y ta caba diadomingo 22 september 2019 tur dia pa 7.30 pm na honor di Padre Pio.

Tur hende ta cordialmente invita pa bin na e tres dianan di Triduo y tambe pa bin celebra hunto cu nos e bunita anochi aki dedica na Padre Pio na Koyari.

ORACION DI DIA

Rumannan un feliz siman bendiciona cu awacero di bendicion y nubianan yena cu gracia di Dios abundantemente

Mi mester anuncia e era di Señor Su gracia. Lucas 4,19

E mision di Hesus ta, pa poder di Spirito Santo, inaugura e tempo di salvacion cu ta trece libertad y bida pa pover, preso y esnan oprimi. Hesus a laga e mandato aki pa cada un di nos tambe. Prome cu Hesus a subi bay shelo El a duna Su discipelnan un encargo: "Bay anto y haci hende den tur nacion mi discipel: batista nan den nomber di Tata, di Yiu y di Spirito Santo y siña nan cumpli cu tur loke Mi a manda boso. I sa cu Mi ta cu boso tur dia, te na fin di mundo. (Mateo 28,19-20) E encargo ey ta conta pa cada un di nos tambe awendia pa nos tin e curashi di bisa 'si' na Señor y cu poder di Spirito Santo Señor mes ta pone palabra den nos boca cu por toca curasonnan di tur esnan cu E mes lo

pone den nos caminda. Nos no mester tin miedo pasobra Señor mes lo bay nos dilanti.

Oracion: Dios Tata Todopoderoso duna nos e gracia pa nos por coresponde na Bo mision pa nos por anuncia e palabranan di speransa na esnan pover, preso y oprimi. Amen.

PUEBLO A HAÑA SU PEN BEK

Pa kualkier informacion
solodipueblo@gmail.com
of
☎ 585-9500

cuminsa: 1 Okt 2019

E Fiesta di Fin di aña

Tur Mainta
Dialuna - Diabierna
4:30 am - 6:30 am

Atravez di TOP FM 95.1

Tur Diasabra di 5:00 pm - 7:00 pm
Diadomingo di 11:00 am - 2:00 pm

SETAR

Abona na **SOLO Di Pueblo** awor!

Yama 585-9500 of e-mail nos na solodipueblo@gmail.com

Tur marduga nos ta entrege den bo porta di cas!

Noticia cayente, ta aki bo ta haye!

Lista di e 30 participantenan den festival Mexicana 2019, dia 5 October 2019 den Club Caiquetio

Cumpra bo ticket serca tur participante, na Top 95 fm, Gallo Rojo, Shaba
Pastry y Rits na Boulevard

